


温州府志

ル 5
1571
13



門 卷 1571 / 3

温州府志卷之二十

人物下 介節 仕績 孝友 隱逸 方技附

介節

宋

宋之珍

舊志字國寶永嘉人登紹聖第歷吉州司理上書言事削官入元符黨籍大觀四年除籍終文林郎會稽縣尉周行已常稱國寶操執挺不可移子敦樸登建炎第為監察御史乞詔守令以來春耕籍之後出郊勸農諭以天子親耕使天下曉陛下德意詔從之守令以勸農入銜自敦樸進言始孫植從子敦書從孫傳億仕從曾孫析拱慶之眉年俱登科第

王公彥

舊志字成德永嘉人與兄公輔同登紹聖第調江夏尉元符末上書論宣仁無負於先帝司馬光無負於天下且言章惇悞國之罪與李林甫盧杞無異由是廢斥入元符黨籍紹興初褒錄奉祠

温州府志

卷之二十

人物

介節

一



陳彥才 舊志字用中平陽人宣和辛丑進士知泉州居官廉靜以不附秦檜終不大用所著詩朱晦翁跋其後

陳峴 舊志字南來梅孫以祖恩授浙東帥幹淳熙間中宏詞科歷除禮部郎秘書少監兼中書舍人坐不肯草蘇師旦節度使制免明年起知廣州修城濬濠置勇敢軍以壯聲勢嗣寇不敢作徒知泉州召為兵部侍郎未至卒贈太保真西山誌其墓于斯坊

顧岡 平陽縣志字德鳳登紹興乙丑第授錢塘簿趙鼎罷相秦檜力主和議不附者輒擯斥岡不勝憤激適鄉人蕭振權工部侍郎岡致書於振極言秦趙以泄其不平遂不復仕

吳馥 樂清縣志字直香登紹興第授龍泉簿耿介不受私謁擢徽州牧致政子登登紹興第仕評事午登乾道第

徐履 舊志字子雲瑞安人紹興戊辰省試第一聞秦檜欲以女妻之廷試對策指斥其奸託為心恙

作迷妄失次語高宗不忍棄去特置榜末歷刪定官國子博士通判信州終朝請即止齋陳傅良常曰吾

陳堯英 葉適陳堯英墓誌字秀伯平陽人少有大志紹興六年上書登聞鼓策十二明年再上清朝政

序亦十二語益切三日復上兵書指畫利害尤急高宗異之令政事堂召問書語侵中書執政固不喜至召問長揖色倨論事泉湧不屈執政愈怒奏罷之後七年始入場屋對策猶抗言如故以是無所合而卒

邱何 舊志字漢規瑞安人登乾道丙戌第宰連江縣以爲諱雖六經孔孟語亦避之何獨奏疏論中庸及皇極偏黨之義語意懇切慶元丁巳有事南郊何攝太常卿行禮自受誓戒至飲福細大無遺聲名驟起以不肯謁當路積二年出守袁州

徐瑄 舊志字純中永嘉人定次子捧賀光宗即位表補將仕郎試中法科由評事積遷朝奉大夫大理少卿濟郎獄興史彌遠囑其傳會賊殺無辜啖以夷官瑄不從遂削秩謫道州徙象州卒端平改元侍

御史王遂請加褒卹詔復原官贈集英殿脩撰命有司立勸忠坊於第左

趙時詰

經太湖遇賈似道還京邀之引舟避去後為太府卿又數忤之遂貶融州貽書諸弟歎國柄下移冀有為以行其志竟卒

徐儼夫

舊志字公望平陽人以文鳴當代淳祐辛丑廷試第一歷館閣因丁大全用事杜門不出或勸其抑已謝過乃題桃符寓意曰一任證龜成白鼈誰能拜狗作蒼龍景定間起為禮部侍郎

會鼎臣

縣志字元鎮永嘉人少儻篤義力學舅氏許及之嘗奏以官鼎臣耻附權倖辭不就孫時中監福安府糧料院宋亡不仕以壽終

明

王宗遠

平陽縣志名珪以字行洪武間應聘授光祿寺丞轉稽勳員外郎權大理寺丞論囚江西斷疑獄二十餘多所出脫歷僉都御史會朔方軍民有變特簡宗遠晉副都御史往撫既定條上時務二十六

事并及燕邸遂坐朋黨謫戍馴象所尋獲釋歸至九江卒弟宗彥名瑛舉授顛榆令改知溧陽陞應天府治中著有水軒集宗祥名遂授鳳陽府授著有冷齋集

楊景衡

舊志瑞安人洪武庚午舉人任兵部主事遷吏部郎中出為福建左叅政廉介自持政平不擾帝將北征用輔臣薦命總督糧餉既班師令復任臨軒慰諭之日聞閩人之望若如渴也宜急往後以老乞致仕

劉現

舊志字朝紳永嘉人建文庚辰進士除翰林院編修魁梧博辨以詩文鳴於時在京師妻孥皆死與一子獨處會諸藩多事現日夜憂思既而卧病肯立乃謁告歸治殮具無何京師焚矣而與現同拜官輩皆事新朝云載建文彙編及革除遺事

吳致文

舊志平陽人原名玘宋太常蘊古孫幼時判股庶吉士纂脩永樂大典遷建昌知府改九江凡六載一清如水致政歸遺書其子命醫產克路費士民德

之為立祠歸林著
書有詩集行世

鄭

璘

和尹清慎有聲擢江西道監察御史奉勅收勦
口外再遷不赴歸休
丑甲足跡不履公門

范

霖

萬里外歸篋蕭然揮御史彈劾不法事合十三道共
御史周銓苛刻貪暴霖悉條其不法事合十三道共
劾之有詔逮都御史銓心悻自經十三道譴謫霖係
首議下獄擬大辟霖了無怖色會詔恤刑乃
減死出獄越十餘日病卒人稱為真御史

陳

純

授行人歷使遠藩至朝鮮世子親餽毫無所受
凡再進再却且諭以詩有天使非關賄賂來之句朝
鮮人相顧動色進吏部文選郎中遂乞休有全歸集
孫璋侍郎
州有傳

鮑

麒

字仲瑞平陽人成化己丑進士授工部主
事無湖州分推持清操按歲比常數多千餘金

悉翰之帑擢本部員外轉
正郎卒著有壁經要略

杜

整

事遷山東參政分守遼海督理邊儲在東藩十
年廉介益著小王子犯邊設策捍禦既退上賜白金
文綺綵陞福建布政使歷官三十載宦橐蕭然居平
嚴主敬之學以敬名齋因
自號敬庵著有文貞集

陳

宣

事治徐治頭等開漕商兩便陞刑部郎中以同
列章憲事連坐謫夷陵州其俗女耕男織信巫事鬼
宣教以男耕女織崇祀祖先俗遂雅化尋陞河南知
府毀淫祠十數創程祠署後多曠地散步園中見
一僕揮鋤有聲令掘之得藏金卽白之臺臬盡以其
金充邊餉晉雲南左叅政
乞休歸所著有潛齋集

王朝佐

舊志

字廷望平陽人宏治丙辰進士授南禮部
主事遷工部員外居官清貧父卒不能葬少師
張孚敬知其賢為言於郡守徐宏賻之
金始克葬所著有蛟川集東昆先哲錄

蔡芳

舊志字茂之平陽人宏治戊午舉于鄉五上春官不第授光祿署正遷福建運副俸祿外毫無所取聞囚反獄害布政叅議等官至芳獨去之日蔡仁人也張少師當國為芳同年友不通一謁舟遇運河潛過之張聞追與敘舊微示意欲為轉官芳荅以詩有一官到底終須去向遂致政歸嘗校十三經註疏著有春秋訓義折衷諸傳喪禮酌宜大祀誌

張遜業

舊志字有功孚敬次子負氣節以廕授尚寶司丞奉命冊封荆藩公廩外秋毫無染嘉靖庚戌邊警詔求文武兼才眾推遜業嚴嵩父子專政嗔遜業會護諫臣楊繼盛沈鍊特抑之謫兩淮運判一日上問故相張少師子安在嵩懼啗以美官遜業笑而不答輸鹽課金道遇寇規知為廉吏遂巡避去以最聞稍遷南光祿署正順天府判轉太僕丞革例全罔政以修會給事中吳時來忤嵩逮繫獄遜業時時過問嵩疑為黨益思奔之而遜業即世矣著有鳴玉使郭眺江諸集子汝紀以廕任刑部員外郎遷龍安知府

鍾誠

舊志字文獻瑞安人方伯清子以例貢入太學授鉛山丞六年考績擢本縣尹清謹一節不畏強禦以忤權貴引疾歸林居結社賦詩以終

章朝鳳

舊志字鳴仲樂清人恭毅綸曾孫嘉靖甲辰進士任刑部主事陞福建僉憲轉廣西叅議歷官十餘年常俸之外一無所取在閩表章龜山延平諸儒及新李忠定祠謝病歸屏居山中不入城市

朱廷謚

舊志字司理永嘉人少孤力學為士林所推嘉靖乙卯舉人授藁城令廉謹自持而拊循特至及期政聲籍甚北地苦寒念母老弗克迎養中心鬱結既聞訃邑民泣留出百金以贖固却之竟哀毀卒藁人祠祀焉所著有藁城稿易經解

林宗教

舊志字希文永嘉人嘉靖戊午舉人任永福令以廉介著遷貴陽府判尋投牒歸宦橐蕭然家徒四壁敝衣蔬食恬如也

虞世賜

舊志字舜治永嘉人治春秋博洽精研聲藉庠序有司凡有撰著必以屬督學屢加優獎晚棄

去塲屋以矩獲範後進郡屢延蜡賓不赴杜門吟咏以壽終著有方樓彙稿

聞得仁

舊志字中元永嘉人為諸生有聲入太學外父張少師秉鈞得仁避聲勢不仕少師沒久之始

為鴻臚序班晚歲屏跡工詩有高隱風

朱體信

舊志字達卿永嘉人刻苦積學領鄉薦後益自勵屢上春官不第杜門謝絕公事時稱謹厚君子

子

張陽春

舊志字文復永嘉人萬歷乙未進士知尤溪以清白著用贖鍰改建學宮卒於官無以為殮

趙嗣薦

舊志字似川樂清人萬歷丁酉舉人署壽州教諭捐俸葺學周恤貧士陞廣西太平司理崇正


元年取天下清廉第一進京時相溫體仁重其名欲延見之竟不謁遂授漳州同知冰節愈勵時有尹大

使以金密進責而勿受卒於官

吳鳳起

舊志字漢翔平陽人寶秀子以廕授刑部照磨順天府判擢刑部主事審決江北於重囚多所

矜慎時魏增勢炳鳳起屢乞外差以避其汚及崇正改元陞員外郎會山西總兵張鴻功巡撫耿如杞以勤王兵逗遛失律勘問大司寇因有分別議處之旨如杞得未減獄具上怒疑有偏私下鳳起及同勘俱付錦衣及廷訊鳳起挺身引罪不累同官時論壯之未幾事白釋歸鄉居八年以生母喪哀毀成疾卒



仕績

宋

林

杞舊志字茂南平陽人登崇寧第靖康初除湖廣
提舉李綱入相薦為吏部郎出為湖南轉運判
官徙福建會叛將苗傅敗走杞殺其黨張政實首
事人臺臣言其擅殺坐削籍安置連州紹興中丞
辛炳明其冤詔復

原官擢知池州

薛

弼宋史字直老溫州人登政和進士任懷州刑曹
歷遷光祿丞提舉淮東鹽事湖南運判王夔捕
楊么久無功更召岳飛公據洞庭陸耕水戰樓船十
餘丈官軍徒仰視不得近飛謀益造大舟弼曰彼之

所長可避而不可關也幸今大旱水落若重購舟首
勿與戰逐篋斷江路藁其上前矣飛曰善兼旬填寇盡
精騎直擣其堅則破在日前矣飛曰善兼旬填寇盡
平進直秘閣為戶部郎再知荆南桃源伍俊旣招復
謀叛弼許用為靖州喜曰我得據一州復知桃源遠矣
即出謝伏發擒之進秘閣修撰知虔州復知福州廣

溫州府志

卷二十

人物

仕績

七

州歷南雄南安五州前後討蕩俞三古五官朱闕索
吳錦等賊相謂剝皮殿撰而闕入郡伍黑龍卓和尚
岳崇廖七嫂滿山紅之屬數十萬弼教奇兵立左翼
軍校陳敏為統制積四年平豪賊百七十部汀人李
谷反信宿三萬人弼急會師斷其首尾夾擊之浹辰
與期三日求濟師不許二日大風賊不能進退盡擄
以獻請曰吾以一擊十初意不能自全公料三日何
也弼曰第從吾合無問所以然蓋機速神敏多此類
紹興二十年卒於廣州舊志弼永嘉人終敷文閣待
制卒諡忠簡
子叔淵登科

朱 熠 舊志字明達平陽人端平右科第一特賜進士
出身除監察御史上疏畧曰境土蹙而賦斂日
繁官吏增而調度日廣景德慶歷以三百二十餘郡
之財賦供一萬餘員之俸祿今以百餘郡之民力贍
二萬四千之冗員欲寬民力必汰冗員不報累
遷同知樞密院事咸淳末賈似道柄國罷歸

沈希稷 括蒼彙紀温州人宣和初知龍泉縣事賊洪
載寇郡諸邑皆陷龍泉三面皆為賊區希稷力

為守禦得陳沔勇而知兵葉植勇而善謀相與練郡
兵設險守隘復乞師建安兵至寇帥脅從之民以數
萬計破浮雲攻東界沔分兵自安仁武溪軍於七赤
賊黨遁去追至浮雲進柵石塘與戰大破之事平朝
廷嘉其功增秩一級舊志
永嘉人登紹聖甲戌第

東 文 舊志平陽人嘗從韓世忠有戰功補水軍將領
其後裔世聰字達叟初為新化尉介於五溪蠻
境盜起勢甚猖獗世聰與戰手擒渠魁
盡降其眾以功陞侍衛司機宜文字

曾 光 舊志泰順人善騎射習孫武兵法隆興武進士
授車騎都尉從李顯忠出師嘗奮身先登與金
守將蒲察徒穆都統蕭琦戰於濠梁問遂克復靈壁
虹二縣又復宿州登城與敵巷戰斬首數千生擒入
言人都督張浚奏聞錄功第

許世化 樂清縣志字崇元登紹興庚辰進士遇事明敏
有識授倉部主事遷長沙刺史因勞引疾歸有
牧伯坊見存孫思
文思壁俱列仕籍

王允初 舊志字元甫永嘉人登淳熙辛丑第知餘杭通判德安府開禧間金人以重兵圍城甚亟允初

登陴固守相持百八十日敵解圍去擢知本郡遷京西提刑湖北運使知鄂州召赴行在尋卒諡忠敏子

致遠以父廢知慈谿縣累遷湖北提刑改知台州召為吏部郎不赴居鄉十年創永嘉書院祠周許二劉

鮑五先生于中孫漢老倅明州宋亡杜門不出

陳大紀 舊志字正之永嘉人登慶元乙卯第任命陽尉來賓令轉廣州兵鈐知象州改昌化軍尋知橫

州秩滿適妖賊侯廣李藍六煽亂鬱林貴竹廣右騷動諸司環視畏卻大紀慨然捧檄節制飛虎摧鋒兩

軍親冒矢石殲其渠魁諭散賊黨入對召試閣門舍人以平賊功轉兩官

謝子強 舊志字強學永嘉人登嘉定第由州縣陞朝著歷太府丞工部刑部郎出知嘉興府復以秘書

監兼左諭德除起居郎奉祠召為兵部侍郎擢待制出守潭廣越明四州卒贈寶章閣學士賜諡清惠

孔 舊志字天璽平陽人少好學以薦授永新學正

明

遷慶元會稽尹致政歸以詩文自娛子暘登進士第曉登鄉薦

趙

新 舊志字彥銘樂清人博通經史洪武初舉任本縣學訓導尋授開封知府入為國子助教陞山

西右布政使後以翰林修撰致仕卒年八十

鄭

溶 舊志字起深以字行樂清人洪武中舉為本縣學訓導倡明道學嚴立規條以身先之學士競

勸有直正齋詩集文集

鄭

柱 舊志字仲祗永嘉人永樂丙戌進士任山東按察司僉事轉河南提學副使陞布政使叅政告

歸端居靜養絕無他營

周

文褒 舊志永嘉人學行卓越登永樂己丑進士歷官河南左布政使所至譽望赫然

阮

存 舊志字以禮永嘉人永樂壬辰進士授監察御史歷官廣東右布政使敷歷中外四十餘年以

稱

鄭

夏

舊志字逢時樂清人永樂辛丑進士任監察御史激揚盡職中外想望風采後謝病里居一塵不染尋詔徵以母老不赴人益敬之有迪齋詩文集

張

慶

舊志字士吉樂清人正統年貢成均博學篤行任松江教授誨士諄諄於惇孝弟辨義利咸謂有胡安定風

章

律

舊志字鳴鳳樂清人常熟籍景泰年進士授刑部主事擢保定知府累遷雲南右叅政交趾遣使欲從臨安入貢律以非道力拒之且疏言夷情譎詐宜飭邊備改廣西左叅政遷右布政荔浦僮賊竊發律受命監督率泗城兵由象武路扼陳村口當賊要衝號令明肅士衆帖然且戰且徠遂擒渠魁而悉散其脅從者營中屏竹槁而復生衆咸以為不殺之兆轉貴州左布政撫綏邊氓制馭苗獠咸得其利擢右副都御史巡撫雲南其地為律舊治民夷素服威德事皆不令而行轉南右副都御史卒

潘尹序

泰順縣志字會賢景泰庚午沙寇鄧茂七等亂同瑞安縣丞親冒矢石一鼓而羣盜殄滅餘孽奔官臺山寇平設縣治鎮之未幾括寇鄧懷冒等復聚剽掠原貞仍檄尹序同陶文隆率衆殲之以功授湖廣崎山鎮巡檢

季

學

王陽明文集瑞安人字彥文號文峯登宏治壬戌進士居官勤慎智識深沉有將畧由吏部文選司郎中出守江西南康府時郡屬多劇盜流劫三省撫臣王守仁調十哨官兵征勦數奉檄奮勇深入搗破永砂坑船坑石川上龍狐狸朱雀雀黃石等處賊巢生擒賊首高文輝等又攻破瀾頭寨擒斬賊首池大容等疏聞陞

林

遠

鄉賢留祀冊字得浩號湖西樂清人博通經史以拔貢授淮安府同知為政持大體以教養為先繕學築塘土風丕振民俗富饒乞歸

董

鵬

泰順縣志字汝冲嘉靖選貢授河源學訓遷江西益府與崇仁王譚易契合因請建賢宮啟沃

王孫漢南以賢能聞於朝調河南鈞州建德王府授
敕諭兼總十七王府事遇事敢言不避觸諱一日王
與宮人宴盛張女樂聞其至急命撤之景寧王暴虐
不悛上其罪狀允發高牆懼而自溺鈞士民感快謂
有相江都膠東二王之風王旌以扁曰佐理咸宜特
疏遷長史以繼母憂歸訓飭子弟必規以正至今猶
騰芬
月旦

王

澈

舊志字子明永嘉人與弟激並負時望正德癸
酉舉於鄉授禮部司務歷遷兵部武庫司郎中
時張少師為澈母舅方秉鈞澈退然歛抑陰扶善類
縉紳稱之以親老歸省尋擢福建布政司叅議遂乞
休致林居二十年敦禮舉義初宗祠行鄉約推贏賑
乏凡鄉鄰急難及境內利病力所能為者悉以身肩
之嘉靖乙巳歲大飢減價出糶仍廣施糜粥日就食
者千餘人兩月乃罷子叔果叔果俱成進士別有傳
張鳴鸞 舊志永嘉人字仲儀純子淹貫淵閣領嘉靖乙
卯鄉薦授宜陽教諭分校秋闈所得皆知名士
已卯湖廣禮聘典試拔袁宏道弁冕三楚署邑掾多
惠政著有東越筆記宜陽四六稿弟鳴鶴字仲臯為

朝歌丞工詩翰
者有鈞元集

周家俊

泰順縣志字秀夫天啓丁卯舉人任青田教諭
陞袁州府同知居官廉正不阿教養兼至每以
內艱歸里弟家偉字頊卿崇正己卯舉人任福建浦
城令居官清慎勤勞陞兵部職方司主事讀禮歸家
置義田造義渡建茶亭解衣贖喪助葬生平多
著作因兵燹散失今僅存水中鴈字詩集行世

國朝

夏大廷

泰順縣志字啓對順治年選貢任山西五臺令
剔除奸弊聽斷明敏邑人德之時有番僧入境
滋擾大廷詳憲
驅逐以強項稱

包文愷

舊志字畏叢永嘉人選貢任零陵令豈弟廉明
愛民息訟設木皂禁冗役復優免厝淡無所嗜
採買罕至市中邑人德之立
去思碑所著有致遠軒集

張式

事實册字次雲永嘉人早歲有文名康熙丁丑
授貢壬午舉人任仁和教諭以長才見知于撫

藩大憲修葺 文廟月課多士甄拔孤寒子元光邑
廩生精易學著大易圖衍解將貢成均而卒元亮郡
廩生元勳子舉人現任國子監
助教元旭丙辰舉人餘杭教諭

邵家默 事實冊字恭思永嘉人工書翰善詩歌古文辭
康熙辛卯舉人受知于武進唐公某及巡撫京

幾屢欲以賢能薦母老力辭後任嘉善教諭整肅學
規振興文教大著賢聲子志聲歲貢灑戊午舉人石
門教諭鳳藻食
簾有文名早卒

李國選 事實冊字掄士樂清人天性孝友素履純和入
肅禮 縣令以天旱祈禱焦勞成疾迨甘

霖沛而選不起矣所著有青 詩集

胡時霖 事實冊字竹臣瑞安人天資英敏暑年食饒有
文名以貢授景寧訓景邑山僻少名師霖至士

子得所指授却諸生饒謙倡修學宮卒於
官學者稱三峰先生所著有水鏡亭集

陳敦讓 平陽縣志雍正已酉選貢歷四川安岳長
寧二縣令居官有政聲所著雁南詩集

孝友

宋

陳侃 舊志字君和永嘉人居建牙鄉事親孝養備至
執喪盡禮五世不異爨至道二年郡守何蒙上

其事太宗嘉之詔旌其門曰孝門
賜其母李氏粟帛見宋史許祚傳

仰忻 宋史字義傳字天賦永嘉人力學以篤行稱年
五十餘執母喪盡孝禮躬自負土廬於墓側有

憲烏白竹之瑞紹聖中郡守楊蟠表其里為孝廉坊
大觀二年以入行取士郡以忻應詔未幾卒特贈將
仕郎舊志嘗有富室欲與通婚忻著同姓圖拒之曰
姬周鄭江與仰同姓後世論氏不論姓非也著訓蒙

規鑑承嘉百題詩集
子研嘗誦尹世其家

王輔 江逸志樂清人父格病篤思得鯽魚方盛暑
不易致輔禱於井釣而得巨鱗進父病旋愈輔

子十朋年十一親見之至十朋孝感并詩注予家有
并稍大俗稱大井王家宣和王寅秋先祖有疾思鯽

魚時暑不可致先人釣於井而得之并素無魚蓋孝感也

趙彥雲

自警編政和間温州人趙彥雲兄弟二人父母

籍五年生計蕩然通負尚三千餘紙彥雲因除父置酒邀兄嫂告曰向無分爨意以兄用度不節恐蕩盡

有飢寒之憂今幸留一半亦足以給兄自今復歸中堂主家務即取分書火之管鑰之屬悉以付焉且言

所通負已儲錢償之矣兄有慚色從之次年彥雲與長子俱應鄉薦一舉登第授彥雲縣分科分俱無考

陳宗

宋史孝義傳永嘉人年十六母蔡病篤割股為

興云陳宗自毀其體哀慟傷生雖非孝道之正而能為人所難為之事亦天性之至官為合葬榜曰陳孝

墓子

薛特立

舊志字才翁永嘉人事母孝母年八十四齒盡

持科授承奉郎

張氏子

舊志逸其名親歿廬墓與仰忻齊稱忻贈以詩曰賢哉張氏子篤孝守墳園四水遶廬舍一山

當墓門風悲親永感露泣淚成痕豈比他

錢堯卿

舊志字熙載樂清人吳越王裔孫幼居父喪如

老不復仕及居母喪哀毀過禮水漿三日不入口茹蔬三年奉寡嫂如兄撫幼姪如子闔族同居三十載

無間言歲歉損穀價以濟飢民不能償者焚其券紹興間詔訪孝廉郡以名上未幾卒王十朋製詩輓之

紹熙中郡守孫懋表其閭

章

永 舊志字延仲平陽人少孤事親至孝執喪如禮也葬日舟行遇風濤暴作伏柩哭曰吾聖人之教

永罪逆應殞吾親何辜俄而風息

連世瑜

舊志樂清人同妻方氏事母孝母死刻像以奉

郡守張九成移文咨訪王十朋詣其家詢得實跡白之郡具酒禮之瑜卒方氏率其子士表士則供奉益至郡繼上其事詔旌其閭按世瑜祖南夫崇寧

温州府志

卷二十一

人物

孝友

七

進士提刑廣東後從官所徙溫
遷樂子士表上則後亦俱授官

周忠輔 舊志字端臣永嘉人母葉氏嘗病癱竭力醫
治藥必親嘗衣不解帶及母亡哀毀成疾卒

林子燕 舊志字申甫樂清人登慶元第醇篤有操行居
父母喪六年蔬食郡守楊簡旌之按縣志燕作

宴

朱古學 舊志字以明樂清人登嘉定第以親老乞終養
及親歿廬墓三年遂無宦情百口共養者四世

建同心堂優
游以終老

夏晞稷 舊志字茂卿永嘉人父壽九十二
故事罔懈白首執喪哀慕彌劇

毛徹 舊志字知微樂清人居父母祖父母喪一十二
年禮不少變以詩試為上舍告歸縣起學宮使

董其事因
卑為之長

毛宗 舊志字崇大永嘉人母病疴每夕禱北辰恍有
人教服五苓散啟視赤色詢之醫乃投硃砂合

散服之果愈後登乾道第參淮
東制闈按舞法吏擢權禮侍

伊導 舊志永嘉人居夏仙里割股療母疾於
舅家潘氏尤盡恩意至今以孝義名鄉

張雋 舊志字公俊平陽人孝友尚義親歿女弟歸悉
取其遺貨而去眾不堪雋曰骨肉間吾恨資不

耳豐

薛凝之 舊志字季常平陽人母嗜江紫母歿終身不忍
食詔求直言上書陳時政數千言執政怒其戇

欲加罪凝之自若嘗正喪
禮以壽終楊慈湖銘其墓

裴安道 舊志平陽人親老代秉家政必咨而後行
居喪毀瘠悉遵古禮弟未婚冠特為撫存

元

周樂 元史本傳瑞安人宋狀元坦之後父晟通經能
文海賊竊據温州拘晟置海舟上樂隨往事其

父甚謹一日賊曾遣人沉晟于水樂泣請曰我有祖
母幸留父侍養請以已代父死不聽樂抱父不捨遂

同死焉按晨元史訛作日成二字

王貴翁舊志字君傳瑞安人家貧授徒養母至元丙申山寇至貴翁不顧妻子負母避北湖為賊所執

求賞弗獲視其母衣貴翁抱母泣賊怒殺之越三日母亦卒

朱童子舊志逸其名永嘉人居江濱海寇猝至母投江童子哭母亦投江死

李實舊志樂清人元兵南下實奉祖母母匿山中祖母被執兵索金不得束火灼其祖母肩母號

泣取水以沃火主者怒將斬之實懸金刀頭挺身求贖見無活母意置金地上曰若去父母妻子萬里至

吾土獨不愛其身乎若殺吾母吾寧甘心若耶主者顧左右曰真男子不畏死令取金而俱釋之後以子

孝光貴贈貞外郎

胡野廬舊志永嘉人父義為縣胥徒縣尹劉公源弟公野廬挺然出口事劉尹者我也

執父笑為遂斬野廬而釋其父

周士威舊志永嘉人至正戊戌方明善據溫居干佛寺守門明善囚士行於獄士威詣獄吏請曰吾兄弟皆

孤藉外祖母夏氏以存今夏氏入十六矣幸兄在求食養之吾無能為願以身代

獄吏憐而易之士威遂遇害

魏保舊志永嘉人父忠亦以守門為明善所執將斬之保趨刑所以身蔽其父曰是夕守門者保也

保當罪伸頸受刃父得釋

林甲乙舊志樂清人早喪父傭作養母及母卒家貧歛以薄棺越數日屍壞液流棺外穢氣遠聞甲乙

遂止穢氣亦息人以為孝感所致

張端舊志涿州人父君錫至正末任平陽州判官因家焉時方明善破平陽俘君錫入郡城端隨往

日夜涕泣不食父曰我分在必死爾歸視家勿以我為念端日父辱子死見寧獨生既而明善沉君錫於

江端抱父俱沉死

王泰 最樂編永嘉人幼失怙恃鞠於伯父元兵至伯父為兵所執求財物不得將殺之泰年十五匿

叢薄中躍出給兵曰兒知瘞物處伯父遂得釋去泰引兵佯掘數坎悉無物乃涕泣告曰兒實欲脫伯父而代之死兵怒斬之仆於地各散去伯父還撫泰屍哭見頸骨已斷而喉尚連屬乃捧其首合於頸取藥塗之昇之牀試以水滴口稍能嚙七日乃甦言方斬時若風冷然過頸良久熱痛暈去若有數人過且指日此子其孝不當死即令一人療治之頸若水雪痛遂止凡入越月瘡始合而首竟偏

明

薛敬 舊志字彥恭永嘉人幼孤同兄養母一日母過姻戚家至暮敬往迎歸經池側母墮池中敬投

水中抱母兄適至援母得生敬竟歿

張

張正 蘇伯衡張正傳字思中平陽登瀛里人九歲父仲達喪鞠於母林十三歲母瘡發於額醫視曰此瘡惡不可言腫若至鼻即不可治正憂懼倉皇走城隍祠匍匐泣禱引刀割股肉持還家藥以食母瘡

立愈年三十娶婦陳事姑稍懈正曰娶所以為養也若不盡力奉母何以爾為妻亦感悟洪武丁巳秋母滯下伏枕血糞淋漓正時以手拈去之無難色後六年母疾醫謝不可為正禱於東嶽行祠復到股和藥未進而母歿矣朝夕悲號既葬日至墓所哭泣無間寒暑

沈

沈昆 舊志永嘉人少孤事母孝正統間母潘病篤焚香願天割股肉為餌以進母病隨愈

黃

黃祿 舊志字漢廉永嘉人成化丁酉領鄉薦授廣德州學正以母老棄官歸養頃刻不離母側及母歿廬墓盡哀中年失耦矢不再娶

項

項愛親 舊志字允孝瑞安人家貧灌園易甘脆為養顛沛不廢定省每祀先必齋戒越宿邑舉蜡賓

陳

陳經孚 舊志名興邦以字行平陽人少孤事母至孝遇之愛以刀截母耳逃避竟遇之途倭索母耳環經孚護肩而死手猶未釋母也

黃

黃遜 永嘉縣志遜痛父早逝奉母極孝母眩目失明遜扶持不少離母歿哀毀逾禮與人言及父母

輒涕泣廬墓終身

章友善

舊志平陽人父成高在海塘虎攫之友善疾馳而前以拳毆虎筋骨盡露虎棄去父得活後友

薛必光

舊志平陽人少孤年十三事母及祖母盡瘁備作以養祖母及卒鬻身以供喪事母病割股以

南孟明

舊志永嘉人父文相以荒穀事罹罪孟明方弱冠挺身代父備受箠楚事白郡守劉芳譽褒其

王欽穆

舊志永嘉人父以中書謫戍閩省欽穆年十三詣闕上書朝謁其孝為復父職

朱元旻

名山藏樂清人事母至孝母性嚴厲元旻年五受笞而溫也怒復杖之眾為跪請得已其妻又以子婦之讒不悅於姑元旻不敢辨屏之十餘年寢處常

在母側後以庠生應貢且行母乃悟召其妻復為婦如初既而元旻中途念母素牒而歸遂卒閭者哀之

陳序

平陽縣志字惟倫以孝聞父侃病劇三到股以療大學士李東陽作詩紀其事

金應

舊志永嘉人家貧養母夏氏盡孝嘗割股以療母疾

季養

舊志字彥良瑞安人親歿廬墓逢諱日輒不食嘗購先世散佚遺文求以表彰對人言輒泣下

謝孝章

舊志永嘉人少失母事父最孝父歿三年蔬食及葬廬墓側三載如初喪

王鑑

舊志永嘉人備作養母湯氏盡孝嘗割股以療母疾

周尚穆

舊志平陽人訓導光之父以孝聞父伯康病篤嘗焚香於掌割股肉進之遂愈

黃道琳

舊志永嘉人家貧備力孝養父病篤嘗割股和藥以療

林得性

舊志字洪道樂清人事孀母陳氏盡孝病求醫無驗嘗到股和藥愈之

陳斐

舊志字舜文樂清人孝友天篤伯父有妾生子留視以歲貢舉京闈所著有鳴困稿

謝廷俊

舊志瑞安人父歿貧未能葬鄰火將延及廷俊他顧獨伏柩呼天而泣俟而風返火熄子伯恭亦以

葉世愛

舊志字友敬樂清人家貧出過甘美必懷以遺親親病時多蚊乃裸卧其旁以身飼蚊病不食世愛亦不食早喪妻或勸之再

陳厚

舊志樂清人業備作漁於海得鮮必供母母病以簞笠往卧柩側一口外出

何小二

舊志樂清人年十歲父為寇所執貧不能贖小二請往代母同止之泣曰父歸則舉家可活否

則俱死遂竊往得父還小二竟不知所終

趙濮規

舊志字獻可樂清人為諸生貧甚奉母菽水盡歡得餼廩分半與兄以選貢歷任學博引病休致邑令胡用賓延為鄉約長藩臬王應顯朱天球廉其行誼造廬禮焉壽九十著有東崖集

戴天倫

舊志字仲明永嘉人父嘗炙天倫灼以分痛母病癰以口啞出髓而愈有王某者不能殮以已棺讓之舉鄉賓壽百歲

黃鐘

舊志字應律永嘉人母病劇祈以身代兄弟五人之盜鬻妻以償鐘還其貲令贖又賦詩慰遣之所著有松月軒集子一鵬任武寧令

姜約

舊志約字子克弟綱字子斐俱瑞安廩生事親孝養備至兄弟燕見如賓斗粟尺帛未嘗私入親歿廬墓三年約以貢死京邸綱聞朝夕慟哭迎櫬歸數日亦飲痛而卒商輅為之記

陳一貞

舊志字德靖永嘉人母麻氏病篤割股以進兄歿撫其子女如已出領嘉靖戊午鄉薦任上津

人物

孝友

六

令終滁
州知州

張遜志

舊志字伯懷孚敬長子以廕授中書舍人德器宏深不妄言動恬澹謙退如寒士性至孝侍母

蔡夫人寢疾累歲衣不解帶比終哀毀成疾卒為文古雅著有靜脩子集

鄭友仁

舊志樂清庠生篤志業儒天性孝友年十三時封股愈母病邑令胡汝寧上其事旌之

呂仲珉

舊志永嘉人徙平陽父邁危疾珉焚香籲天灼臂求代後八年始歿蔬粥廬墓兼好施予官給

粟帛旌
其行

徐恩

舊志字明澤永嘉人給諫安行孫也喪父廬墓母病衣不解帶封股和劑致異馳之應視弟友

愛不分析者六十年
里有義舉率以身先

葉瀚

舊志字宗默永嘉人幼孤事母孝母病侍久不解妻稍違母意出之事孀嫂如母撫孤姪如子教之成立邑令邱汝材表其門曰孝友

盛君協

王世明

舊志俱樂清人親病皆嘗糞終皆廬墓盛棄官歸養王有風木圖

張崇瀚

舊志字承環永嘉人徙樂清性至孝事繼母疾不解衣者二月有異母弟六人友愛均篤及親歿弟尚幼悉力撫字稱貸以畢婚娶同居無間言以子德明貴封刑部主事踰臺而卒

鄭理

舊志字一貫永嘉人叅政柱孫由鄉貢仕同安丞未老即乞休性至孝父母皆九旬歿執喪盡禮逢諱日哀恫終身不衰且必具衣冠謁祠林居三十年優游物外有彭澤風

張漲

舊志字仲通永嘉人性孝友撫伯兄及季弟遺孤為肩重役割腴田無幾微見顏色隆師課子

軌史籍至老手不釋卷子昭選貢
廣德州丞時領萬歷丁酉鄉薦

沈子裕

舊志字敦仁永嘉人郡廩生早喪母事繼母至孝年三十失偶躬撫諸雛不再娶父年八十餘

極意承歡殯族弟恤孀
嫂多義行督學屢獎焉

李性

舊志字景養樂清人孝光裔孫少孤執喪如成人

人事母定省無間寒暑撫諸弟成立均產一致

家居課子足跡不至公庭三舉鄉賓不應後敦請乃就

徐一漸舊志永嘉人性至孝嫡母周氏病痿扶持不懈迨事繼母盡敬養人咸稱之

陳應奎舊志樂清人父惑於繼母奎孝敬備至竟得其歡心弟弼以役歷家易產代償由歲貢任萬安

訓導時胡廉訪倡明理學於白雲館延主講席遷教授卒

鄭楷舊志字尚中樂清人分教臨川士心悅服聞父憂即日奔赴補樂安未幾引歸杜門罕見其面

李思鎮舊志字秉遠樂清人性至孝友積德好施以不逮事父母終身孺慕嘗以意追二親像人謂逼

肖蓋冥感云微時拾遺道上俟其人還之早歲失偶矢不再娶撫諸侄如已子以子光春貴累封雲南道

監察御史兩受華綸中履儉然壽八十四

史君實舊志字二酉樂清人庠生年六十猶具慶侍養菽水及調藥餌悉躬親雖盛暑必冠襪以進有

橫逆加者置弗問曰吾家二百年未嘗隻字煩有司也為學一宗考亭因以尊朱名其子著有格物辨蘭

言 齋小

曾子倣舊志永嘉人孝廉氣孫事親至孝四世不異幾平心率物享壽九十六

葉維翰舊志字仁熙平陽邑庠生父純寶宦南甬感症疾翰時年十三割股蒸湯以進疾遂瘳邑令郭

道隆上其事歲資粟帛旌其家母周氏病篤願減尊以益母壽刺血書疏遍籲各神母尊愈後翰壽八十

曾魁舊志字世英天性孝友父朝輝成化間民肌捐粟博取冠帶嘗疾世英晨昏侍奉不倦弘治間

歲凶捐粟萬餘賑濟貧民克成父志事聞詔賜指揮

余夢龍舊志平陽人事親盡孝弱齡時父病割股和羹以進疾隨瘳邑令洪啟哲上其事督學黃鳴俊

旌獎歲給粟帛

王一柱舊志字世祿樂清人孝義性成嘗遊學遠鄉每思親即負篋歸母卒哀毀成禮父疾衣不解帶

及葬廬墓左朝夕痛哭遇歲飢即出粟以賑族人之貧者所著有燕餘集邑令張旌其門子誥甲午歲貢

方之正

舊志字仲行瑞安人幼失怙恃事大父盡孝登天啟甲子鄉薦博通經史尤長於易著有六易

辨疑集子方思康

蘇祀

舊志永嘉人父鼎年八旬而病祀禱於神願捐已壽十年以延父後父果九十而卒母年九十

患足疾祀市藥蒸洗靡間頃刻雖大雪寒夜不就寢及卒御史舒令有司祭葬焉

張芝芳

舊志永嘉人少孤母嘗病日侍湯藥所天減算以益母壽復承歡二十餘年及母卒哀慟數絕

有司嘉獎

國朝

呂世英

通志永嘉人以純孝聞父疾篤刲股療之至再病再割皆愈順治六年巡按趙端具題旌獎

鄭時英

舊志永嘉人讀書好古與弟顯卿有二鄭之稱天性孝友父患瘍朝夕奉侍不倦兄弟八八白首無間言以子應鄴

封文林郎壽八十三

鄭克任

舊志字天覺瑞安人幼以童子試冠軍卽有時名登順治辛卯賢書生平孝友性成淹博能文

敦倫掩骼鄉評重之

張士燦

舊志永嘉人天性孝友篤學力行不求聞譽嘗著克己錄以自省侍母楊氏疾藥必親嘗比歿

水漿不入口三日持服三年啜粥蔬食獨居苦次衰經不解體及疾革謂弟士祺曰吾生平嚴謹自持豈

今日而少渝耶言畢而逝

鄭之靖

舊志永嘉人事母至孝母病篤破指血繕疏祈禱病遂愈郡守王詳憲優獎

李一棟

舊志永嘉人事母陳氏至孝郡守王詳憲優獎

林震生

舊志永嘉人母至孝嘗刲股救母疾郡守王詳憲優獎

沈明信

舊志永嘉人事母胡氏至孝學道劉給孝以成仁額旌表

陳煒彰

舊志永嘉人幼失怙恃事母至孝家貧任其兄力學有無概不以聞為庶弟置室至老不分爨有

瞽妹招婿於家膳之終身觀察許重華表其門

林

龍

事實册永嘉西溪農家子性愿樸年十四父卒

母所容再出之母多病藥餌資備以給朝夕拜日月
祈母壽為人傭所值僅取三之二日我日三視母恐
妨職願薄受焉有食以魚肉者舍以遺母凡傭朝出
暮歸未及門數呼母曰龍來龍來母年八十餘忽一
日蹶仆不省人事龍跪足躡踵逢神輒禱月餘母始
漸甦自是不敢稍離母側有所備必肩其母於傭家
母齒盡不能食以口哺之目病不能沐以舌舐之母
卒涕泣呼號謂隣嫗曰母素不能行凡衣食無不待
龍今踽踽泉壤苦何以堪願相從於地下輒
服齊衰繞墓泣呼母曰龍來龍來自經而死

王錫瑄

舊志王維夔傳錫瑄性至孝嘗到股療父疾事
實册字王叔永嘉人事父維夔問安視膳曲盡

子道登順治壬辰進士任漳州司李時大中丞彭鵬
尚應童子試錫瑄深器之卜其為時名臣後以缺裁
改溧陽知縣遷禮部主客司主事歸
卒子演霈拔貢奉化教諭演霖歲貢

潘孟規

秦順縣志字式員弟孟矩字式方幼失怙家貧
菽水承歡曲體母志伯仲二人飲食必俱出入

必偶疾病相扶持友愛七十餘年屢舉鄉飲生子各
四仲凱仲良俱遊庠仲庚仲溥俱貢成均溥任會稽
訓導

陳士奇

平陽縣志邑庠生性至孝嘗因父病篤焚右臂
能回天

章籲卿

瑞安縣志邑庠生父卒三年不入內寢朝夕侍
母側偕妻王氏克盡孝養學使劉於試士日令

諸生卷尾各舉優行瑞庠三百餘人書籲卿名不約
而同按縣志後有庠生姜志坦亦以母多病克盡
孝養闔庠僉舉
學使王獎之

周光鼎

泰順縣志字象九順治戊子恩貢廷試授通判
以母老歸養孝友誠篤兄歿撫姪如已出產業

與子均分絲毫不私舉鄉賓年八十四
卒子琰歲貢亦以孝義聞孫京洛歲貢

林日昇

平陽縣志持躬謹厚天性篤摯幼失怙事母程氏孝養備至嘗割股療母疾儒學顏其門間

徐元穗

瑞安縣志字穀友博學工詩篤倫誼諸弟以產薄食指繁求折箸元穗不得已從之後數年諸弟貧甚元穗堅使合爨有

姜被田荆風土林重之

朱璞

節婦朱金氏題旌冊樂清人未週歲失怙母金氏撫育成立性篤孝母病衣不解帶及歿廬墓

三年入邑庠屢經當道獎勵

趙寵茂

瑞安縣志性孝友父卒廬墓六年有司上其事題准建坊旌獎

吳慶雲

事實冊字次瞻瑞安人敏悟勤學雍正癸卯舉母老不欲離左右辭不赴選妻徐氏亦以孝稱

王巨臣

夏有潘 饒賓臣 廩生泰順縣志 俱事親盡孝 林文桂 實

冊樂清人林天彰

饒廷璣 事實冊俱泰順人以孝友聞

舊志侯一元曰判股非專行也孝子迫切從其志可矣而先儒畏其滅性漢吏罪其墜有誠防其流也王光顯曰夫儒于判股者非之以其非經滅性為之慎其防宜也然其至誠惻隱不忍其親之毒痛呼號而為之雖就死無所憾余甚悲焉夫彼固童子夫婦間巷之細民耳是可以會閭之行律之耶謹按舊志所載於孝行卓著間嘗割股療親者亦附紀傳中以天性之至不敢混其事也其僅以判股著而事蹟無攷者自明代以迄國朝俱列名於卷末而綴以二公之論今因之謹紀姓名籍貫并散見各縣志及親隣核舉者并載如左

楊世魁 王鈺 葉奕美 季瀚 陳元孝 王

一欽 葉袍 舊志俱永嘉人割股救親 王廷制 鄭僧 卓尙

勤 吳定 林廷徵 陳甌 葉寧 葉忠

戴轉 趙倫 鄔繼通 趙元鑄 鄔得鰲

周協清 南 辯 金 楨舊志與樂清人 黃文玉 吳

世英 王邦賚 方成惠 張士良 趙士昭 戴錫

麒 陳志超 林必廣 方有佐 潘文斗 陳之珽

潘天一 徐天鍾舊志俱明永嘉人孝親奉獎 於割股諸人之次始

仍舊志列此備考 王良項 王 德 方朝贊

侯文邦 鮑懋壽 鮑邦愷 方朝現 周 匠 王

君啟 鄭繼發 施德教 周允字樂清縣志俱 趙嘉明趙卿氏事 王揆

臣 周奕燈歲則應仲 泰順縣志俱 趙嘉明實冊樂清

人 呂病 李世植瑞安縣志童子 敬實冊永嘉

章兆聖事實冊與弟兆綸姪茂統俱 親病割股奉獎籍貫未詳

義行

置

會

會 國史張進之傳永嘉人孫恩之亂永嘉太守司馬 孫恩之亂永嘉太守司馬 孫恩之亂永嘉太守司馬

南北

張進之 南史本傳永嘉安固人少有志行歷五官王簿

非當見收逃避進之家供奉經時盡其誠力味之嘗 避地隨水沉沒進之投水拯救相與沉淪危而得免 時劫掠充斥每入村抄暴至進之門輒相約勒不得 侵犯其信義所感如此元 嘉初詔所在蠲其徭役

宋

法苑珠林

卷二十一

三

人物 義行

吳 轉 舊志永嘉人以農桑為業五世不分爨歲推男

萬 規 舊志字仁甫樂清人所居海濱有赤水港舊以

蔡元康 舊志字君濟平陽人崇寧中下策忽不樂曰吾

手馳歸父果疾旅邸失金有得之同舍篋中者晚之

日非吾金也朋友病為之醫藥同寢處無倦色死即

葬其柩歸之

莊良貴 舊志字貴全良顯弟初名天球入太學坐元符

大夫知光州贈通奉大夫宣和間陞寇方臘

犯城與兄良朋率鄉兵控要害城賴以全

趙 霽 舊志字彥澤瑞安人方寇犯境霽與邑令王公

濟經畫守禦邑人德之祀公濟於學以霽及張

張 頤 舊志字叔靖瑞安人父時敏登元豐第頤偶

爭者就正之一言而決方寇薄郡城不利由桐嶺趨

瑞安頤率鄉勇數千人遏之寇不得南歲旱就陶山

湖築陂澆水溉田萬餘畝紹興中以郡守章誼薦召

赴都堂審察至則上中興十策語干執政不合歸老

家於

薛嘉言 舊志字獻可永嘉人登政和第靖康末聞汴京

獲檢査器失一金珥仲弟弼曰必徒步趨難京師為

位乃歸後官司

潘安固 舊志字仲碩平陽人大觀中舉入行部以其名

應詔不就紹興初王師討寇范汝為道經平陽

官民駭避安固散財粟資戰士邑賴以

安韓世忠上其勞以宣德郎召不赴

陳 瑾 舊志字國器平陽人其行常損已益物而最著

數十里晨暝風雨咫尺斷在還合一縣之力裁石取底東達
大官歷年猶未備瑾獨用一家之力裁石取底東達
之海閱閩而成人以
為德號曰東塘陳氏

賈如規

舊志字元範樂清人宣和中補大學生靖康之

危乃求苟免乎後以特奏名調廣昌尉再調興國軍
司理不赴讀書鹿巖下重義好施族里賴之時稱尚
義篤行者必
曰賈司理

劉元長

舊志永嘉人少孤事母兄孝謹有欲異籍者賦
鴈詩動之歲稔穀湧貴長獨平其直鄉價為

之不高營義塚數十壠
比歿周恭叔銘其墓

宋之翰

舊志永嘉人號五休居士張九成

諸葛說

舊志字夢叟永嘉人登紹興第丁父母艱慨祿
養不逮淡於仕進州縣有恤政悉咨之埋齒賑

飢築塘埭以備旱潦晚授
長樂簿卒陳君舉銘其墓

吳康

舊志字寧叟永嘉人登紹興第行誼卓異林季
仲貽書有云引失囚之罪歸已推獲盜之功與

人古人不難到矣負亡友遺骸趨數千里歸及汴
河有同行死舟中登岸為之發喪仕至福州通判

陳柔

舊志平陽人里有侵其地者族黨謂當訟之
柔曰諾一日具酒食會集議食畢眾請所議柔

口以酒食飽吏胥何如吾黨自樂之尋丈地不足較
也眾感服人或見陵閉門不競內外呼為陳閉門

吳蘊古

舊志字醇之平陽人登紹興第任太常
博士領家資造沙塘陡門宋之才為記

劉愈

舊志字進之永嘉人周人之急如不及有利病
以身為倡必與除之紹興庚午大飢以家產簿

貸於州得米五百斛歸賑鄉里隆興甲申又飢郡闕
守承愈獨投甕丐發長平降度僧牒轉糶他郡與同
郡徐謙協力賑救全活甚眾郡守張九成下車問其
賢遺書致饋時諺云入柙溪不見劉進之適樂清不
見賈如規是游

洞庭不嘗橋也

章公逸

舊志字茂先平陽人紹興間歲大飢悉發其家
之所有以貸貧者不責其償後登科曾孫芻有

祖風值歲疫捨糧千
兵捐地為義塚瘞之

胡時舊志字伯正樂清人師事陳止齋登乾道第授
盛辭曰老姑家貧曾以女
許嫁不敢背約遂歸娶之

張伯祥舊志瑞安人壯尖耦不再娶惟撫諸幼畢婚嫁
有忤已則溫言謝之大不獲已則避去終不諱

忤者
與服

鄭伯英

鄭伯海永嘉縣志伯英隆興廷對第四性好
義凡鄉里利病靡不竭力興除之弟

伯海登紹興第家立義塾延師訓
生徒五百餘人時稱為二鄭云

徐

徐鉞舊志字武叔永嘉人乾道辛卯郡大飢米斗至
五六百錢守丞諱言鉞獨以書抵朝中舊知言
之丞相以聞孝宗曰永嘉樂土何可使至此
趣罷守丞即命出浙東常平倉米以賑之

丁

丁瑜舊志永嘉人樂善好施有長者風一門
子孫世守義方見朱元晦周恭叔集

薛

洽舊志字子周永嘉人入太學會齋舍疫作鮑林
然疾尤篤同舍皆棄去洽獨移卧具與俱蚤夜
治藥餌謹視之三月乃愈粹然每告人
日子周生我登淳熙第通判邵武軍

林仲彞

舊志字清叟平陽人登淳熙第由吏部郎出知
台州於本縣築陡門三所開河道五十五萬五
千九百丈溉
四鄉之田

顧仲

丁顯舊志與曹林氏四人居永嘉城中建議入
十餘家每家日出一錢旬日一收推一公
平人掌之遇病者給一貫供藥餌亡者
給二貫辦材槨得古人比隣相恤之義

蔡執中

舊志永嘉人年八十餘性好善
不求人知周郵貧乏所濟甚衆

陳

熊舊志永嘉人慶元六年秋垂獲雨澇田在水下
郡守毛憲憂之熊與其子請速決康願自備財
力償築許之集丁夫一鼓而決稼無損復請傍
茅竹山趾紉建陡門分流泄江遂免決壞之患

楊謙度

舊志字少微平陽人兄弟六人不分產教授臨
安府有友陳子雅將之官而卒妻適人無嗣旅

人物
義行

概二十年謙度
糾同義厚葬之

湯元善

舊志字明善平陽人業醫未嘗索直責報向洋
山舊有漏澤園久廢元善捨地數畝為義塚又

在縣北三里蓋虛室
以停棺槨名曰化亭

林居雅

舊志平陽人開禧間邑令劾陰均陡門居雅傾
家貲與鄭萬全昆弟及陳子直等各捐貲協贊

二歲而堰成再歲而開
成乾溢不患其利甚溥

曹

舊志字思厚瑞安人築鄉校於鳳岡歲延名儒
為師與人無競里稱長者遇歉率族眾減定里

中穀價以使之嘗著家訓四戒以示子孫年九十終
子沂字文起能繼父志嘉熙庚子歲大祲傾廩米約
三百石以賑貧民族兄弟有爭田訟久勿决沂割已
產平之晚以特奏引入官終長興丞孫茂冲登淳祐
第

陳光庭

舊志樂清人嘉熙庚子大旱歲飢死徙不可勝
計光庭勸東西二倉聚穀於中令里人以物質

穀不取其息春耕則納質以取穀秋歛則納穀而取
質民咸德之又捐田八十畝以其穀置藁塚收遺骸
及資貧不能婚嫁病不能醫藥者又為歌詩十章以
諷勸藏穀之家石室林一龍名其倉為集義莊為文
之記

金

城 舊志平陽人嘉熙庚子歲飢日設糜粥
以賑餓者全活甚眾子孫青紫相映

王致遠

永嘉縣志嘉熙間浙東大飢致遠分僧寺置局
為粥日食千人既而隣民駢集日食至八千人

已資不足復借助巨室以續之迨麥熟始罷尋勸居
養院給薪炭以處老弱之無歸者勸慈幼院厚乳哺
以活嬰孩之委棄者病為醫藥死為殯
埋復建永嘉書院及義倉人繪像祀之

陳大有

舊志字鎮固平陽人年飢減價糶穀冬寒施楮
錢糜粥給囚糧南市火民居流散大有戶餽楮

幣一貫米一斛凡濟
人事靡不力行之

何

達 舊志永嘉人好義輕財親族朋舊貧者賑之死
而無歸者葬之食客日嘗數十人歲或艱厄貫

貸不倦鄉民賴其惠有訟不
之官得一言而兩憾俱釋

丁謙 舊志瑞安人足不至城邑有干忤者
率以理論歲歉減租恤佃人稱長者

鄭廉仲 舊志平陽人坡山夾嶼橋外南北岐塘岸各二
十五里以朽壤屢圮廉仲倡築甃以石民利賴
之

元

葉貫道 舊志瑞安人居郭陽紫華山中早喪父事母至
孝元初兵至鄉民橫催鋒鏑骨野中如莽貫

道哀之與子堡攜畚檢拾聚而埋之表
日同歸之墓晚年高隱自號茂林逸叟

湯中山 舊志平陽人六德辛卯歲飢穀價騰貴中山減
價出糶以濟貧者丙申飢亦如之甲辰又飢亦

之如

劉祖衍 舊志平陽人至正間建交川義塾於縣治北之
半塘捐已田三頃山二頃延師以訓鄉之子弟

御史孔泐薦之朝授
温州路儒學教授

曾應孫 舊志樂清人嗜學尚氣節與李孝光友善精醫
施藥活人方國珍煽亂都帥泰不花延至應孫

計議為方畧深見器重及泰不花殉節應孫為位哭
之居平以詩書垂訓善處鄉曲雖孩赤皆知敬慕

周嗣德 舊志字宗道平陽人父應奎浙東帥府同知致
仕嗣德廕授海口場司鈐至正十四年盜起閩

括蔓延溫境浙東帥恩寧普檄嗣德權平陽州事遂
與弟誠德召募義勇團結民兵勦捕賊黨李師吳第

五等境內以安嗣德累陞至江浙行省叅知政事時
方明善據溫郡忌之以兵襲平陽執嗣德囚於鄞洪

武初起至應天府
卒誠德傳詳忠臣

葉益 舊志字德謙平陽人好施與嘗葬鄉隣之不能
葬者十餘喪歲飢出粟賑濟所居前有巨港二

十餘丈舊為木橋屢構屢廢涉者病焉益捐資斲石
改建人利其惠號新橋葉氏至正間以文學舉任處

州錄判壽
終於家

明

王

仁 舊志字壽夫永嘉人好義樂施嘗踏雪登並梅樓四顧煙不起者輒遣人問餽不計償人因名其樓曰望煙樓歲飢輸粟至五千石元時檄召為提舉不就後入明登賢良方正科五世孫瓚官禮部侍郎

王伯初

舊志瑞安人剛介尚氣節方氏據溫其守將賈伯嵩戍瑞安參政朱總兵討之檄平陽總管為應及下溫城賈納款總兵以安民榜昇之賈令麾下涂姓者持回至州而平陽應兵已薄城下涂恐其擾害急登城張榜厲聲麾退已而總兵遣陶指揮至州陶以他事怒涂將斬之眾莫敢救伯初奮身解衣請曰斯人曩者張榜活我一城願以身代陶兩釋之

謝

南 舊志字天啟平陽人洪武辛酉括寇大發脅從以禍福眾欣然來歸已而延安侯總軍來討南具以狀聞於是止戮渠魁釋者以萬計既而朝論難之南

復伏軍門叩首請救延安侯為條奏始獲原釋時謂其有過亂救民之功後以薦授山西參議

鄭

采 省志平陽人性介特仗義家雖貧客至輒款治特券求謁采僅餘粟五斗貸其五之三故人子遇盜裸跣走訴采盡舉衣衾中履遺之嘗見敝衣躡履行雪中者呼之前予以粟帛亦不問其姓名

侯

摺 舊志字尚震樂清人以鄉薦授會昌教歷仙遊君人爭附之摺獨謝事歸作思本樓登望松楸焉有郭千戶者貧且死無後為窆之祖隴戒子孫上塚時必酌郭千戶侯無絕也

素

翁 舊志瑞安人姓氏不傳至正間方氏據郡翁攜徙無嘗備極艱苦後為寇滕國與所執國與知為儒者釋之洪武初鄉人以其有化暴之德薦之朝辭疾不應詔州月給米一石冬夏布二匹終其身所著有素翁集

李孟奇 舊志瑞安人家殷實好施子凡郡邑解舍學宮多所營造邑民告飢出粟以賑計前後出粟萬

餘金千餘設義塾義倉義塚義渡郡邑屢上其事朝遣行人黃忽齋壘書勞羊酒旌其門曰義門

鄒有真 瑞安縣志正統間奉例輸粟賑飢立義倉義渡有司上其事勅旌表其門

周普安 周伯靜 舊志普安字伯寧平陽人正統二年歲飢輸穀千餘石賑濟事聞遣行人

旌獎復其家弟伯靜出穀一千二百五十石賑濟旌為義民

柳靖一 平陽縣志字忠立正統二年飢出穀三千二百五十石助充賑濟事聞遣行人齋勅褒美勞以

羊酒旌為義民復其家

陶文隆 泰順縣志字朝綱正統己巳寇發自備牛酒犒鄉民結義社保障已而巡撫孫原貞招致贊畫

論功授巡檢以母老辭給冠帶後奉例輸粟三千石賑飢有司旌表其門曰尚義

張元 泰順縣志字普生正統間散廩結義社以禦隣寇又奉例捐粟千石賑譏

王延 通志小嘉人以利濟為念嘗曰散財濟民其利有限一以長久者惟古之義倉而已得人掌之

其惠無窮於為義民復其徭役

王由 舊志秉璠永嘉人景泰間章綸疏諫易儲速詔獄刑鞫由適就選京師力為周旋及歸復留

金併一僕侍之仍畀僕田四畝卹其家所著有效輦集由父毓槐陰集俱章恭毅公序之

呂斌 舊志斌是質永嘉人成化丙午歲飢代輸通都米嘗於海壇造舟濟渡仍躬館舍以憇

行者他若紳石壘東岸大塘大壩接等橋及治樂清館頭塘路凡費千餘金又出粟賑飢弘治辛酉詔旌其門

奚庚 舊志字以明永嘉人塾師歿為塋葬武弁

蔡思權 舊志平陽人任質好義家中落無變節一日拾肯安金耳環於路詢其人還之或哂之權曰我雖貧

取耶

陳仲泰

舊志平明倉入粟

人成化癸卯捐貲建預備餘石事聞賜七品散官

林天爵

舊志與

不信爵世居平陽之宋埠宏治庚戌歲

岸立義塾暑日施茶濟渴凡冠婚喪祭悉遵士口禮闔族化之

何准

永嘉縣志

家饒樂施里存貧而舉女才處其溺

入城中木間婦

哭甚哀促問乃負債莫償者盡以市

木金代償焉

治戊午飢出粟數百石貸鄉人已而

葉

舊志字愛

舟象口渡以濟人溥更為葺治數十

年不替治

已築萬全塘為橋以便行歲歲飢施

飯以何餓者死

則子櫬會育詔勸民賑助又率其弟

湯

舊志樂清

人皆誠直自號率人嘗滿足千里白

曰吾母榮矣敢

私君之賜耶盡以分

石安民

舊志字惠

大瑞安人讀書秉禮鍾令汚延為甲

稅外無纖毫取

郡守何文淵深

章

舊志樂清

人尚書論之曾祖嘗有盜挾刃入其

戒其子孫令謹

戒而巳子新民亦長者有里人以伎

漢欲乘間戕三

命新民堅止之且休以法乃止新民

生文寶文寶生

綸皆以綸貴贈侍郎文洪亦新民子

李

舊志字時

敘樂清人縣尹光之後篤學嗜義立

談等書又著二

言入警以訓世其

吳

舊志字性

嘉永嘉人表臣八世孫兄惟安早卒

溫州府志

人物

義行

治之及不救... 室扁曰西湖... 墓

侯敬 舊志字 明正樂清人年十三入邑庠... 母黃

下惟七年不出以貢入國學... 祭酒劉異之美為真儒

大禮事起二子俱下獄禍且不測... 敬誠家人口勿泣

為臣死忠職耳其定養如此前後... 母黨親及隣里無

歸者皆衣食之終身冬寒至設杯... 醪井傍

以昭胃寒而汲者壽至八十有二... 卒

張珙 舊志字 存誠泰順人讀書好禮... 嚴毅誠篤教子

日願無為張正鄉人不知衣冠不... 敢見有為不善者皆

屢舉蜡賓... 紳重之

余昌 舊志字 景盛樂前友人友愛天... 至有旧數頃一子

條飛詭千... 法隨得釋後以壽終

相與中以... 法隨得釋後以壽終

葉案 舊志字 彦榮永嘉人娶陳氏... 案年二十五而陳

卒誓不再娶... 妻黨痛其子幼勸之娶泣辭邑令

李丕顯 旌之

孔銘 舊志字 景新其先闕里人... 宋紹興間祖遠占籍

有所委... 期利民捐貲築鄧公橋

周紬 舊志字 守謚永嘉人端朝... 孫縣舉為申明亭

之弟及子... 利其產謀逐之訟於縣林尹惑焉紬力爭

不得乃令... 焚疏顛城隍神越五日恍惚見神降於

庭語曰好... 耆老三日後聽分剖及期天陰晦諸惡少

方飲於大... 州橋樓上雷忽起震朱父子擊之發寃遂

白紬因名... 其孫

日感後登... 科

趙欽善 舊志字 良修樂清人邑大... 設糜粥以賑建宗

坊壽一百... 二歲

義行

人物

卷二十一

宣鐸 舊志樂清人家蒲岐族里有餓者嘗食之有田三分嗣所親柵溪有接莆嶺

嘗捐金百餘鑿為坦途

趙文韶 舊志字克虞樂清人居近沐簫泉捐金數百構道院書舍跨溪築橋樹來鳳入老亭嘉靖乙巳

歲飢出粟千石賑濟郡守洪垣優獎之又嘗築

陶治臣 泰順縣志字君有邑庠士嘉靖己未冬寇至石門隘殺戮慘甚治臣號召鄉兵百餘捐資供餉

入捍城池出冒矢石屢戰屢捷斬獲倭首級二十八

穎手斬三顆兵道凌議功授武職固辭後題授七品

陶灌 泰順縣志字君敬嘉靖庚申大稔灌諭家人曰

勸建學門又倡義協族建祠捐田二十畝為祭具三

其焚其券邑令區其門曰羅陽高士

陳元汾 舊志樂清人百口同爨財無私蓄事無專行節

婦女亦歡然無間言督學蕭鹽院王並旌之

徐友文 舊志字彥章樂清人有張堂者苦貸鬻妻途遇

後貧乏治圃以泮處之泰然

廢詢知良家子輒還之不索償

方 舊志樂清縣庠生友人屠希顏無子妾有孕妻

長乃還屠氏人稱篤行

連尹鈞 舊志樂清人世瑜之後以孝著父食秋魚病卒

賑濟貧窶人稱為連老佛

朱浣 舊志字宗川永嘉人居鴈池性行端飭舉為里

者遇公委秉執不阿郡守趙錦深敬之書為善

長樂四字表其間病則遣吏問餽及革不能言猶書

鄭瑞 舊志永嘉人嘗掌鄉賦里人貧不能輸者輒

代輸之上書當道請毀淫祠興社學以壽終

人物 義行

王 勳 舊志字景銘永嘉人弱冠卽有志聖賢精思力

集用自鏡考孝友天至推誠秉禮雖隱微造次肅然

端飭年三十二卒邑士撫其遺行上雷阮二督學表

其廬曰 舊志士 價 舊志字立均永嘉人儒志公十五世孫兄姪俱

競者質一言輒服去舉 鄉 賓所著有撫松集

陳 淮 舊志永嘉人早失怙撫諸弟不異嬰嘉靖戊午

理三延蜡賓壽 日 歲旌表於坊 壽 以琴書自娛足跡不入城市郡舉鄉賓不就以

柳 守紀 舊志字克夫樂清人博學工詩性至孝尤慷慨

慕義幼失怙恃事慈母曲謹年未三十喪耦終

身不娶邑令王典高其行既卒為文誄

之仍誌其墓子祖佑領萬歷戊子鄉薦

朱 出 舊志字舜臣樂清人好學篤行視異母弟如同

胞田遇恩例當貢有爭之者輒讓之後以貢歷

惠州金鄉教陞武學教授武學例不丁憂特

為申請凡著為令以憂歸里終身不復仕焉

序 希曾 舊志字子賢樂清人嘗陪友人楊良足考貢希

後歷大治武昌教終周 府 授所著有魁峰集

陳 植 舊志字應蕃永嘉人幼孤事母盡孝萬

歷乙亥輸粟賑飢郡守楊邦憲旌之

方 廷淮 舊志樂清人家故貧與妻侯氏相愛敬攻苦茹

更均之壽不肯力自居積置田足萬畝天順間

祝輸粟二千石賜勅榮以冠帶孫召仕訓導

梁 宗律 舊志字阜東樂清人天性篤孝執親喪哀毀逾

禮隣居夜火倉猝向火拜火遂熄嗜義樂施嘗

鬻產以濟人急邑令聞其善微行造之見內外肅

然為之嘉歎舉蜡賓後以子一孚貴贈知縣

益州府志

卷二十一

人物

義行

梁宗律

趙秀哀 舊志字盤東樂清人性醇厚居鄉恂恂每有義舉陳慨率先捐資修壽寧橋建文昌祠施田二十畝以供祀事敬士恤

貧三舉大資壽八十三

王至亮 舊志字昭采永嘉人太學生嗜圖史工翰墨以博雅稱性至孝以兄早世不忍離二人側遂不

求仕進居鄉樂善好施凡恤貧賑飢掩骼施藥築橋梁塘堰之關於鄉土者歲無虛日鄉人迄今頌德不置云以子欽準

封惠州府通判

王至亮 舊志字昭信永嘉人太學生性行端直好施恤

皆力為修築郡守施鵬景器重之嘗造廬致禮焉子詠邑庠生孫澐孫國學生俱以詩名有竹居集自怡

集諸刻

孔聞昂 平陽縣志萬歷丁丑年飢出粟一干石賑濟邑令萬民華詳請建坊旌表

李焯 瑞安縣志字靜虛性穎敏年十四遊庠聲馳藝苑生平孝友嫺曉卓有古風萬歷戊戌改建學

言焯以身肩之任怨任勞始終勿倦厥後財用不繼盡傾產以竟其事丙午秋試卒於武林人咸悼惜附祀於四

公祠

梅光宗 舊志永嘉人萬歷戊午歲飢出粟五百餘石賑濟崇正庚午疫施棺二百置義塚修城垣葺文

廟助建巽山塔築塘修橋費數百計聚舉鄉賓壽八十有九

呂仲璞 舊志字元暉平陽人聰敏工詞翰慷慨樂施助建巽宮砌橋周窮乏不可勝紀以國學生授光

祿丞辭歸闈園東湖觴咏自適所著有碧澄閣集北遊草格言諸書

徐明作 舊志平陽人宋待制誼裔孫樂善好施嘉靖末歲祲道殣相屬明作治糜以賑全活無算崇正

間與配孫氏齊壽九十兵憲林徽禮異之旌其間日期頤雙瑞子時春孫鏡鈺俱知名士

華一鵬 舊志字天池平陽人由太學授京衛經歷閩南鎮有婦以夫亡鬻身為婢鵬以三十金買之婦

至有感色詢知其姑無倚也鵬曰忍以子之故使其姑失所平焚其券遣還晚年尤慕義不勝紀二舉

賓壽八十

陳箴

舊志字子陞平陽庠生慷慨好施賙人急難不計費崇正間聞師過邑糧匱幾為變官民失措箴傾家得千餘金以濟軍一邑遂安事上聞臺部交薦召為中書舍人旋以母老辭歸

毛羽皇

舊志字儀伯瑞安人崇正庚午舉人父母早世娶五上春官有同事友卒於邸為舍殮解囊助之未幾羽皇亦染疾卒囊惟圖書數卷

孫滄

舊志永嘉人與弟友愛不異爨有貧者貧不能償焚其券子昭登第贈御史

鄭奇

舊志永嘉人崇正五年海寇數千艘猝犯郡城俾共守圍解副使杜喬林給好義可嘉扁旌之

謝包京

舊志永嘉人順治乙未進士授河南陽武令事親孝待宗族甚厚做范文正公義曰汝設義祖

國朝

數百石俾族之公正殷實者王之凡讀書婚嫁無力者酌量周卹藉以成立者甚眾學宮傾圮捐塗田四

百畝以助鼎新所積租穀永為脩葺之費既郡海氛犯順遠近戒嚴包京同守土官登城固守鄉民被難

入城餓殍載道乃悉出庾粟賑賑賑為好義者倡全活無數

陳光前 永嘉縣志字明卿少負文望行誼端方順治丁亥歲貢司訓衢州有東甌囚徒逮繫處分幾數

十人光前見死亡者收而瘞之甯官者贖而歸之義聲載道遷平湖教諭轉杭州教授著有課士錄凡五

舉大賓以壽終子振麒有文名振麟 順治丁酉鄉薦孟津令有惠政

包國隆 舊志永嘉人宋儒包定之裔性長厚不侵然諾好善樂施能緩急濟人而無德色飭躬訓子老

百彌篤御史王元曦按部式廬旌獎康熙收元覃恩以子文愷任湖廣雲陵知縣例有封典督學李如桂

贈榮膺寵錫守懸其堂四子賓筵子孫咸襲縹緗稱德門焉

朱天佑 舊志永嘉人性敦厚好施子順治十五年海艘登犯鄉民逃避入城佑賑濟全活甚眾捐修橋

義行

梁路道拯濟姻族屢舉介賓
督學兩給扁旌獎壽八十二

劉應兆 舊志永嘉人七齡失怙母鄭氏孀守成立性孝友誠樸嘗賑貧濟乏鄉人稱之順治戊戌鄉民

避寇入城多方為之全活
督學給德厚流光扁旌獎

陳遴 浙江通志永嘉人堯言孫邑博士弟子天性孝友尤急人之難婚娶賑卹無倦色康熙甲寅耿

逆難作偽帥會養性盤踞永嘉逼受偽職備見拷掠
不受逃入六科山中避之乃免嘗協修文廟得石刻

宋子像於土中建祠祀之捐田八十畝以奉祀事司
訓蔡收份為文紀于石于王綬乙未進士任縣知

縣別有傳王組拔貢教諭游以子
王綬貴封文林郎壽八十六

王乾亨 舊志永嘉人幼孤事母備極孝養由邑庠入國學好義樂施修學築澹之舉為無不力每歲暮

以錢米分給親族隣友之貧者御史牟雲龍
題獎額其門曰葛天遺愛若有澹寧居集

徐應寵 舊志永嘉人慷慨樂施每捨棺以殮死而無歸者過荒煮糜以賑嘗道屢獎

高應召 舊志字廷賓永嘉人守奎十二代孫也忠誠篤實慷慨樂施世家仙源環水以處鄉人苦無渡

嘗製竹為筏以濟至閩變戰死淨水者數萬餘人曾
與徐應寵收其骸骨之無歸者萬有餘尸營義塚於

西山麓道憲高培
獎以西伯同仁

陳光輔 瑞安縣志邑儒生家貧嗜學手不釋卷敦苦節一介不取其戚有以人命告官追給埋葬銀若

千寄貯光輔家光輔以為穢也不欲置臥室又慮有
暮夜之戒坐達旦俟其持去其不欺屋漏類此手錄

性理諸書朝夕研究崇正丙子倡
修文廟及卒學者稱五定先生

李日彩 平陽縣志字純之邑庠生慷慨樂施順治三年山寇陳倉圍金鄉寨城衆推日彩為社長率義

勇且戰且守被圍三月食盡猶堅拒會大兵至旬日
寇擒圍解巡方杜果行學優獎顏其間孫玉衡割股

療親施藥濟貧友愛
任郵能繩祖武云

姚嘉謨 瑞安縣志字襲之吳興人為瑞邑廣濟神廟祝性強毅順治十四年海鯨破城按王追餉邑令

着四隅各廟祝開報殷戶嘉謨聞喚到縣請次日列上遂乘夜清理家賬畢潛自縊於廟戲臺下事得寢衆高其義設位於廟側歲時附祀焉

潘鰲 泰順縣志字鱗長邑諸生援例考州同力修善行嘗於洪嶺創義塚三區王之揮潘鱗長傳康

熙二年山寇逼城駐防王九成以兵寡束手募勇統衆以禦擒其渠魁解散餘黨歲飢出粟以助賑

徐光祖 泰順縣志字允敬歲貢生康熙十三年耿逆據縣城人民驚竄光祖赴郡請兵總鎮陳世凱發

委牌令引兵拒寇乃躬冒矢石隨機應變幾死不顧賊漸衰而退境獲寧壹

徐成龍 瑞安縣志性好善順治初山寇聚嘯屍骸填路成龍收埋以萬計康熙十三年耿逆陷甌王

師屯西山對壘三載死者無算成龍收埋亦以萬計總督李之芳上其功授湖廣

龍辭不就二十四年處州大水屍流蔽江成龍復撈取埋之

董永字泰順縣志字雋公博綜羣籍詩文下筆立就性孝友兄萬有早喪嫂繆氏纔年二十守節永字

待之如母姪士淮南二歲撫如己子康熙丙寅選拔入都邑貢士潘孟璿字業師也以謁選卒丁京三年矣孚至得一夢知其虛骨處尋之果實遂有歸而葬之人咸服其誠至誼篤年逾七十授永康教諭未上卒子四孫十俱游庠

馮國英 事實冊字茂卿永嘉人性行純篤嘗有偷兒夜入其室家人擒獲心揣為隣人某諭勿張燈釋之去一日裝銀數封外出有從其手後掣去一封覺之囑曰知爾貧我弗咎爾但此銀不可浪費後其人

心德其言用以積勤成厚資又每逢臘盡袖多藏小封遇有窘迫及小債負紛爭者輒代解拆有妹適葉姓早寡無子併鮮親族依賴迎歸衣食終身以完其節舉鄉飲年八十四卒

滕有盛 事實冊字茂遠永嘉人天性好善施捨至老不人信之謂皆實行也有營弁韓某負帑繫獄母擬改適以出其子有盛代為清繳母子俱賴保全又陳某聘王擲還賴婚復誣控公堂鞠實女歸陳倉猝無以

成禮有盛仍出資為陳合香康熙甲申穀涌貴貧民
勒借致煩官禁有盛計口食外餘數借貸親隣不責
其償生平率性而行不由矯拂不
要名譽當道屢獎年八十二卒

林養性 泰順縣志字必善事父鳳翔備極孝養病篤割
股以進有寡人某負債鬻妻養性代償而焚其
券復捐二十金以濟之其他好善樂施多
類此當事屢以孝義旌其閭子紹昌歲貢

周天履 事實冊字汝福樂清人工詩文修業敦行早孤
捐資修霞堡陞門鄉民德之屢舉鄉飲
堅辭不赴當事以義可維風顏其廬

潘仲桃 泰順縣志字允恭父孟浩邑廩生以孝義聞仲
桃幼習舉子業憶范文正不為良相作良醫語
遂究軒岐術為濟人計時聞寇不靖仲桃率鄉勇守
禦兩堡恃以無恐兄及弟相繼歿膳養二孀兩姪終
其身施藥二十年活
人無算壽七十五

王履謙 事實冊永嘉人性孝友年四十五無子妻私置
一妾謙知詢之乃貧家婦也怒曰我析他人之

妻而為己之子計乎即焚券遣歸後
妻五旬生一子孫曾繞膝壽八十五

高繼晟 事實冊字肇禧永嘉人性孝友創業讓分與諸
弟克承父母歡于親族鄉鄰多所賑恤由龍灣
遷居郡城從江至郡四十里舊以小舟渡風濤不測
獨捐資置義渡其子孫相承至今行者無患他若慷
慨好施濟饑療病善行甚多孫朝遴青浦縣令恭遇
覃恩賜贈文林郎年八十一卒

陳泰 事實冊字賢如瑞安人幼孤依祖母林氏撫養
年十二林歿哀痛逾於成人念家累七喪貧不
能葬遂棄舉子業經營窳窳後家稍裕見貧不能葬
者必助之濟民橋傾圮倡捐重建雍正甲辰饑官航
閩省米平糶令泰監其事哀益得宜及卒一人詣其
家拜哭甚哀莫知其故詢之則昔年遺金於道泰坐
守其處廉其實而還之者其
陰行善類此子範癸卯舉人

鄭芳 平陽縣志字用久公正慕義慷慨好施邑有公
事屢行倡助乾隆三年歲饑與同邑劉凌瀚各
捐助賑銀一千兩分司唐漸上其事芳以歲貢生議
叙主簿瀚由監生議叙主簿加捐縣丞各憲旌其門

李君城

事實冊字元夏樂邑廩生徙居郡城卽志載攻

母吳氏爲山寇掠投江完節君城以草澤遺孤讀書成立集蓉江芳烈上其事于省志因祖建兆于橫陽千金購其隴石以祔伯叔應療應案俾忠魂烈魄孝子悌弟聚首夜臺之下吏部辛禹昆旌其廬曰南陔永慕子四長國趙字牧伯郡庠生丁巳文廟災數年締造獨任賢勞以信義舉爲鄉飲賓次國越字開三恩選貢丁巳饑倡請開海運米減價以濟構憇亭捐義渡凡所施爲俱以利物爲心三國達邑庠生績學而早世四國選任甘肅禮縣知縣有傳列政績子孫繼繼繩繩鄉間咸謂積累所致云

張瑞煌

事實冊字尙子其先係出永嘉三都徙居郡城

生平慷慨好施乾隆戊午歲災遭疫居民困餓施粥濟饑有死於道者施棺木以瘞之復傾千金買集雲山暨沙畧曠地以置義塚其他建憇亭施茶藥修橋梁捐義田懿行盡多觀察吳公士端郡守莊公柱屢旌其義年七十八而卒子振基克承父志鄉黨咸稱其德云

朝廷賑卹并開海運以紓民困其時徽商徐廷芝先備價

謹按賑卹并開海運以紓民困其時徽商徐廷芝先備價至江蘇運米後商米雲集民無缺食又樂清生員瞿作梅捐賑之數與鄭芳劉凌瀚均亦以急公尙義邀恩議叙今本志遵生不立傳之例凌瀚作梅未敢遽錄他若永嘉鄭珍如高朝選瑞安戴高陳舜俱施粥平糶雖爲數不及三人而古道可嘉附識以勸來者

文苑

宋

方 晁 傳詳

林 幹 傳詳

木待問 舊志字應之永嘉人敏而力學隆興癸未廷對

待制禮部尚書卒贈少師光祿大夫按宋

登科記待問以省元第狀元附識於此

曹逢時 舊志字夢良樂清人少從鄭國材學易工文詞

丁丑中第授嚴州司戶通練若素宦憲使王傳舊令

樂清識之俾為戕表授簡累數百言無停筆所措畫

皆出人意料弗果兄應時遊太學亦有名按本志選

舉載逢時瑞安人此載樂清攻梅溪集寄夢良詩稱

其所居在許峰許峰非樂清地也又瑞安縣志載逢

時初娶樂清黃氏因寓居柳市紹興戊寅歸許降則
逢時本籍當屬瑞安而寓居於樂故或稱樂產耳附
識俟考

萬庚舊志字先之樂清人善詞賦太學興首中優選
紹興甲戌上舍擢第授全州教授清湘士子稀

少庚至郡乞增廩餼以養士郡將興其才俾兼攝幕
職為文雄深雅健湖南諸郡碑碣必屬庚撰述改洪
州錄參虞允文入相王十朋白南泉貽書

薦之虞擬除學官名未上卒終從政郎

林之奇平陽縣志字偉卿紹興中登進士授靜江教授
著史評千餘篇與同年福塘林少穎同姓名俱

有聲文學

潘翼舊志字雄飛其先青田徙樂清貧寒諸子百家
凡禮樂制度傳註箋疏雜說靡不淹通明天文

作星圖證驗著九域賦山川里道若親歷括隱僻字
補註篇韻遺漏辨兩雅本草名物訓釋舛誤尤工古
文王十朋自少從遊每歎不能竟其學
後將編次其書刻之泉南會召不果

劉祖向舊志字直孺樂清人為上舍生罷歸授徒數百
人紹興庚申與從子銓試計臺以詩賦魁多士

明年試禮部中第王錢塘簿授處州教母憂不赴守
臣謝仍薦之改宣教郎知鄞縣未赴卒始銓與從弟
鏞俱學於祖向以文行稱旣而祖向銓俱擢進
士後六年鏞亦登第鄉人目為石船三劉云

毛宏舊志字叔度樂清人父微以孝義稱宏與兄宣
俱治經有聲時目為二毛公入太學試禮部以

春秋魁天下中紹興第調寧海簿沉毅有守
人莫敢干以私持父喪哀毀過禮逾年亦卒

謝雲舊志字季澤永嘉人登乾道第嘗著正字類韻
一編陳傅良序之曰始予謂季澤但倖直耳久

之見其姻族急難不得季澤議不決議決矣而用不
足則或取其于季澤久之州閭至言每事不可無季
澤藉其力者居多且悲其官
不足行其志位不稱其材云

陳季雅舊志字彥章永嘉人氣質超邁自高其才不樂
師授與人持論無所降州將讀其書道熟如素

構往往有新意出人意表遂薦高等登淳熙第為隆
興教授轉漳州未上益閉門盡抽古今文字且誦且

索務為周覽鈎得其要著有兩漢博議等書葉水心銘其墓

鄭邦彥

舊志字國材樂清人學綜經籍政和初入京學月書連占五魁選兩學生欲一識其面不可得席益帥湖南辟為內幕趙鼎當國益薦之授婺州學官篤意講肄士多矜式焉

王

綽

永嘉縣志字誠叟有氣節葉適畏友也尚書趙汝談等薦充編校不就卒所著有春秋傳記及

文雜

朱

黼

舊志字文昭平陽人學於陳止齋不事舉子業嘗著紀年備遺始堯舜迄五代若呂武王莽曹丕朱溫皆削其紀年以從正統曰此吾為書志也葉水心序之且云此書一出義理所會寶藏充斥人始知其能傳陳氏學也

躬耕南鴈山以終

王自中

宋史本傳字道甫温州平陽人少負奇氣自立崖岸由是忤世乾道四年議遣歸正人自中伏麗正門爭論且言今內空無賢外空無兵當搜羅豪俊廣募忠力以圖中原坐斥徽州放還淳熙中登進

士第王舒州懷寧簿嚴州分水令樞密使王藹薦召對帝壯其言將改籍田令又俾舉所知且嚮用矣以諫疏罷通判郢州道除知光化軍改信州丁內艱服闋還朝光宗即位謂曰朕得卿名於壽皇留為郎可乎言者不置主管冲佑觀起知邵川興化軍命下而自中已病慶元五年八月卒年六十葉適誌其墓

盧祖臯

舊志字申之永嘉人登慶元第嘉定中以軍器少監直北門時慶澤孔殷綸言沓布祖臯抒思泉湧號為稱職工樂府詞意清遠江浙間多歌之有蒲江集

潘

舊志字德久永嘉人父文虎右科第一樞以父任補右職繼參戎幕召試為閩門舍人授福建兵馬鈐轄平生喜為詩下筆立成聲名籍甚永嘉言唐詩自樞始有轉庵集諸父文饒文孝文禮俱先後登紹興第饒字明則學本濂洛尤為多士所宗

趙師秀

舊志字靈芝永嘉人登紹熙第淳熙州縣僅一窮經相尚詩或言志取足而止固不暇如昔人體驗聲病律呂相宣也潘樞出始創為唐詩而師秀與徐

溫州府志 卷二十一 人物 文苑

照翁卷徐璣釋尋遺緒日銀月鍊一字不苟下由是唐體盛行師秀詩名天樂集

徐照 舊志字靈暉永嘉人自號山民嗜茗若上下山水穿幽透深拾其勝會卒葉水心銘其墓有詩

數百新思尤奇皆橫絕歛起水懸雪跨使讀者變蹕

廢之學使後復言唐詩自照始詩名山民集

翁卷 舊志字續古一字靈舒樂清人詩名西巖集一名葦碧軒集

徐璣 舊志字致中一字靈淵定了仕長泰令工詩名山泉集自趙師秀以下四人號永嘉四靈館閣

有四靈集

周學古 舊志字會卿行已孫也兩薦漕闈不第遂息意場屋以風雅自娛葉適序之云周會卿與潘德

久齊名德久漫浪江湖吟不擇地故所至有聲會卿嘗閉戶讀書盤摺生語有若天設德久甚畏之始謝池坊窟山宅水自成深致其家集零落僅存十數紙然一幹之蘭芳薌出林豈紛然桃李所能限斷哉

趙汝回 舊志字幾道永嘉人登嘉定第終主管進奏院名重一時與高吟苦自成一家其咏橘花云春

風過後雪初白夜雨晴時水亦香咏水仙云屈原一點沉湘恨李白三生捉月身皆為詩家所珍

薛師石 永嘉縣志字景石弼曾孫卓犖有大志築室會昌湖上與友酌古今談筆墨善楷及篆隸書名

家碑碣不得師石書為憾有瓜廬集

趙汝迂 舊志字叔午樂清人以詩名登嘉定第僉判處州嘗賦詩有秋雨梧桐王子府春風楊柳相公

橋之句史相聞之怒左遷淪落而卒

趙崇滋 舊志字澤民永嘉人登嘉定第調嚴州司戶尚氣不屈每與守諍守降意下之同年生多居要

津不肯附麗以求速化工詩優入騷人間域善筆札每興到拂紙援毫頃刻成數千言戛金玉而走龍蛇

觀者神駭名重一時

楊諲 舊志字克明平陽人屢舉不第遂棄去舉子業專志聖賢之學其居室左書周子志伊學顏篇

右書張思叔座右銘謂正家必自內始作新婦戒由家而族作楊氏族譜由族而鄉作蘆江鄉約又作發蒙備用以教童子

謝夢生

舊志字性之永嘉人少力學與陳埴葉味道同志登嘉定第教授無為軍辟淮西漕幹知上虞

除武學博士遷樞密院編修出知安吉州召為宗正丞兼戶部郎改秘書丞知汀州以疾致仕弟挺之同登第終安

吉州判

趙善得

舊志字季清永嘉人登紹定第歷忠州判官文思泉湧下筆輒干言嘗曰今人不能道古以胸

次不如古人豈惟不能道古亦不能鋪今蓋有四難意難濶聞難廣情難寫心難公又云作文如下黑白

子有眼者勝閱文如閱好山貴起伏多也

王奕

瑞安縣志字子陵研貫該博杜門著書不求聞達淳祐間有旨下州索所著書太守趙汝騰為

繕進且薦之朝奕竟不應所著有六經語孟說中庸本義周禮答問成周大事譜西漢通志補正漢天文

志釋地理志復漢錄

武侯遺事多識錄

薛據

舊志字叔容平陽人淳祐間臺省交薦賜出身嘗為天保采薇末議二卷又采諸子百家釋官

緯紀之書輯孔子集語二十篇撫古今輔相經濟之美為宅校成鑑二十二卷景定元年史館劉克莊謝

子強上之啟付秘書省

李若錫

舊志字宗禹永嘉人博綜經籍援筆成章尤精於禮登寶祐第歷遷諸王教授司農丞時禮經

自王氏倡新學訓詁皆穿鑿君錫學正而博由是擢太常丞除直秘閣有雜稿

錢敬直

舊志字第一以祀廟諱敬子永嘉人紹熙元年試禮

為太學錄博士太常博士秘書著作佐郎卒易直十歲能通禮春秋三傳以其意作場屋文字機縱開闔腴澤粹好長老之有聲價者反愧之稍長知古人統緒則歎曰時文不足為矣積書自統繙研覆精必以已所自到者為是由是雲蒸川流筆態橫生膏潤水釋義理溢發性沉密不輕用所能人羣居論難紛起

獨不出一語至在奉常乞為范祖禹諡正獻有內侍
得旨賜諡者拒弗為諡人始知其能陳義憤感感而
後發云

潘希白

舊志字懷古永嘉人入太學有文聲登寶祐第
幹辦臨安府節制司早學詩於趙汝回復工樂
府俱著稱於時卜築柳塘極山水之勝一時文會名流咸集焉

林公一

舊志字道初樂清人博極羣書善屬文年二十
舉於鄉開慶己未廷對有司第其文第一丁大
全請於理宗以公主下嫁大魁乃潛屬王司首周震
炎而抑公寅第二時論喧然授興國判官宗學諭有
梅南集三十卷

宋慶之

舊志字元積永嘉人學廣聞多文詞與瞻得風
雅之趣登咸淳第監慶元府鹽倉辟浙東庾幕
著飲冰集

林一龍

舊志字景雲永嘉人在太學不就月書以求撓
進登咸淳辛未第累秘書郎兼說書性直諫樂

道人善工古文
有石室文集

梅時舉

舊志字舜臣永嘉人冠舉於鄉精史學
著通鑑新議剖析精微多前賢所未發

陳聖元

舊志字道翁永嘉人資穎秀善聲律工駢麗
早貢於鄉築文峰樓與朋友徜徉其間賦詠自
適

胡芳

舊志字秀實平陽人九歲默誦九經與弟琴聯
中神童科真德秀奇之其學尤長于春秋魁鄉
薦會試下第不復出積書數萬卷自娛
晚薦入史館致仕年八十餘讀書不輟

林干之

舊志字能一平陽人右庠賜第改文科歷南康
江陰教授累樞密院編修知信州明敏博洽工
文詞為江萬里所知家藏圖書法帖甚富鑿裁精密有雲根癡庵集

姚樞

舊志字斗瞻永嘉人少聰敏書一過目終身不
忘為文有詞采通書經宋季領鄉薦元初絕口

元

不言仕進隱居教授延祐間郡守趙鳳儀請分教郡庠從遊甚衆

曹積孫舊志字德堅瑞安人自少工文嘗謂人曰作文譬如立萬人場中非割然大器而鳴人肯聽我乎宋亡寓居平陽梅溪以詩文自娛

凡一篇出人輒傳誦生徒數百人

曹理孫舊志字悅道瑞安人博涉經史談性命道德之旨粹然成章郡守趙鳳儀延至學宮模範後進

立教嚴而有法尤善古文得韓歐家法著有心遠齋筆記讀書史要略類編杜詩訣

黃石澗舊志永嘉人博通經傳宋末累奉鄉書不就元初授徒從者如雲集趙守鳳儀延至郡庠分教

多所造就

陳華祖舊志字理常永嘉人宋寶謨閣待制謙五世孫少聰敏通尚書於四書尤多發明四方從遊者衆經略使普顏不花李國鳳至溫以遺逸薦詔授翰林國史院檢閱

汪鼎新舊志字進卿平陽人少孤自樹立明周易尚書尤工詩文著有桐陽藁官平陽教授

章舊志字春谷平陽人為永嘉教諭大德元年遷海溢浙東僉憲完顏貞所屬都司鮮于振按

勤嘉作風潮賦上之因交薦於朝後國史院編修官嘉詞采粹拔至大延祐間凡兩修郡志

宋肩先舊志字壽道永嘉人少從林一龍學領胃薦元初部使者完顏貞徵為郡學錄陞學正轉典化

撰州教授和簿頗有

吳承夫舊志字浩然瑞安人博覽羣籍通易詩書三經教授郡里翕然稱之登至治辛酉第授永嘉丞

所著有

鄭維圭舊志字伯玉平陽人敦性行博學強

李孝元舊志字子平平陽人伯璿每推重焉

以師事之至五年以秘書監著作郎召見於宣文

溫州府志

人物

文苑

卷二十一

三

高明

魯志字則誠平陽人至正五年中第授處州錄事正任民立碑田經基為撰文屢遷除福建行省

高好學

字德文永嘉人宋衛武王履之後讀書明善博郡遂避地去

洪濤

字元與永嘉人至正間浙省右丞李采兒

鄧東

字元詩選傳東字為明號呆齊平陽人

甘鄭氏聯璧集宋濂序之以為呆齊之文氣貫沉雄

如老將帥師旂鼓紛錯咸歸節度曲全之文規製峻

整如齊魯大儒冠冠偉然出言不煩曲盡情意

皆看臺閣宏麗之觀而無山林枯槁之氣也

駸夫元詩選傳字義上承嘉人酷志讀書二十年穿

不親遊浙西多居吳下與玉山主人顧仲瑛相友善

肆為詩章九善古樂府馳驟二李間自號石渠居士

薛漢元詩選傳字亦海永嘉人為諸賢州學正始擬

上都于古八制度名物劍作變易年考月究無以有

爽趙又敏號為鴻識得古遺器書畫必令辨之乃定

善詩文與高明齊名

陳壽民薛漢盧摯俱見列朝詩集按秀民縣分無考

陳高慈溪尹皆有聲未幾方氏起乃浮海過山東河

南謝王太傅論江南虛實安危其言苑苑王欲一言之
薛不受辱卒其為文上本卷固下獵者于詩迥漢魏
齊西以下弗論也口號不
繫舟漁者蘇太守序其文

明

林 濬 舊志字伯恭永嘉人元季以春秋魁鄉薦文名
濬 濬海內洪武初授奉天府教授典闈浙二省鄉

試宋濂稱其詩文本于氣之所養
與世之學者自異著有栗齋集

余亮臣

舊志字唐卿永嘉人早以文學著元禾客會稽
越功薦剡交上無意仕進即越之桐林里治園結菴

署曰菜窩已而入吳居北郭與高啓張羽等為北郭
十友洪武

年授新鄭丞

任道遜

舊志字克誠瑞安人十歲工書永樂中以奇童
應薦歷官太常卿致仕居宮五十餘年妻不薦

然日以詩畫自娛與吳祥也鼎結清樂會倡和
吟詠年踰耄耄卒有太極心性圖說歸田百詠

孫 華

列朝詩集傳字元實永嘉人僑居華亭年十二
郡守課諸生春陰詩操筆立就落句云柳花只

在斜陽外不肯分明過小橋守大奇之詞經考史以
博雅聞尤好岐黃家用薦為醫學教授辭免戴折角
巾衣鶴氅衣望山臨水步履翛然所居小閣列古彝
鼎法書各畫焚香靜坐終日書非佳墨熟紙不作飲
饌非精潔不食士非賢
不與交卒年八十餘

木景方

舊志瑞安人資稟醇靜文辭典雅洪武初舉為
本學訓導尋以明經薦於朝試陽舒陰暢論稱

旨授國子監學錄自祭酒以下
咸器重之所淑俊又皆有聲

張 著

舊志字則明永嘉人博學工詩元末遊學至常
熟道梗弗克歸學者爭師之舉為州學訓導遂

家焉洪武三年領鄉薦即其家授廂
施知縣尋陞臨江同知見列朝詩集

陳 至

舊志字復陽平陽人福州觀察陳有功之後自
幼嗜學研精經術書易春秋皆有傳註洪武初

以年耄隱居同時有鄭東繆珊
董縉張天英俱以文學著稱

黃潮光 舊志瑞安人從卓敬治易為文有自得處洪武二十九年以明經舉授本學訓導陞國子學正

以博學名

姜立綱 兩浙名賢錄字廷憲瑞安人七歲以能書命為翰林院秀才天順七年授中書舍人內閣制勅

房辦事成化二十一年陞吏部郎中宏治四年陞太僕寺少卿並辦事如故綱歷事三朝謙恭勤慎位陟

清華布素如寒士至於周急解紛視棄金帛如土其人以是重之書法為一時所推而小楷尤精絕凡進

御諸書及人制詔多其手筆後卒得賜祭葬亦特恩也

謝廷循 舊志名德環以字行永嘉人博雅善翰藻宣德間薦辟歷官內值錦衣衛指揮賜號樂靜家在

鷓陽擅山川之勝帝命繪圖以進御製樂靜水亭瑞杏花二詩賜之歷事三朝恩資優渥三楊諸巨公有

杏園十友之集廷循與焉族子道寧多學永樂中常以賢良薦

曾謹 舊志樂清人兄弟俱擅曾敬 舊志樂清人兄弟俱擅

鄭繹 舊志字廷韶登天順壬午鄉薦潛心灑洛諸學前後積二十載所講授諸生去而成名者凡數十輩後通判九江長沙二郡卒官舍蕭然寒士莫及也

有詩文二集學者稱豫齋先生

周旋 舊志字中規永嘉人正統丙辰進士廷式第旋擢修撰歷左庶子尋卒旋為弟下員郎劉晉於

學既在選首遂日夜進學不厭為文耻襲陳言務出已意每日引滿酒數行索筆千百言立就汗漫演述

理致泐然求者接屣于戶而應之常若有餘所著有畏庵集

王顯 舊志字紉夫樂清人侍郎謝鐸見其文欲薦之以病對謝深歎息同時有金梗者與顯齊名

周令 舊志字異之瑞安人幼工楷法郡守項澄以奇童薦為翰林秀才云治戊午會修累朝實錄授

直秘書歷官太常卿通政使出入禁闈六十餘年始終恭慎朝論重之著有志善集

葉式 舊志字成規永嘉人宋文修公後正德丁丑以書經魁春闈選庶吉士授翰林院編修遷修撰

人物文苑

侍經筵司教內書堂嘉靖癸未丙戌同考會試以不
附時宰議出補廣東按察副使有疑獄久不能決者
匝月間平停四十餘牘立粵秀書院講學其中丁內
艱歸踰年卒自諸生歷華要不受非義一介終其身
所著有瑞峰集于嘉慶
嘉運俱以貞世其家學

周 綱 樂清縣志字時立家貧嗜學分教清江轉信豐
所著有周禮補遺左氏觸瑣等書學者稱玉臺

生先

吳 昂 平陽縣志字希明精書法嘉靖初選授中書舍
人歷官大理寺正工部郎兼翰林院侍書充東

宮輔導與修明倫大典會典累朝訓錄御製文集五
經四書二十一史諸書多被恩賚馳封建坊以盡瘁
卒于官仍賜銀幣隆慶改元詔敘潛邸功廕一子入
監軍恩贈奉政大夫子子像考授中書舍人子恕廢

上林苑簿

方繼學 平陽縣志字一敬燧曾孫始習舉子業不售棄
夫涉獵經史百家所著有五經辨疑河圖衍軌

鄉先哲之行爲江南文獻輯兩浙名人詩爲浙
音會略又欲行澤約正喪禮時稱西堂先生

王 健 舊志字偉純永嘉人嘉靖戊戌進士授刑部主
簿卒官調處宗藩章疏妮妮時論推之陞南光祿少

卿卒官課履清謹詩文典則雅馴尚論者稱爲金
王君子著有應
制錄鶴泉集

高 應祥 飛純紀遇美字然道心古行績文種學有膏
澤人少治毛詩兼通諸子百氏書弱冠遊泮邑子弟

多樂從游項喬惡純音出其門生平義氣邁俗陸族
鄰以貢授蘇州
府說喜振任病

侯 一 冠 志字舜舉年十三父廷訓以大禮繫詔獄伏
獄再上書陳寃狀都御史唐龍奇之出其父舉

嘉靖戊戌進士授南刑部主事積遷江西左布政使
素至清惠政解官林下闢園樹日攜容登臨唱詠二
十餘年之章稱名家后恒莊肅雖盛暑不袒露與人
素狎之字常有憤容孝友樂施凡親而貧疎而賢者

委周之要著
詩文二十卷

周

感舊志字誠道永嘉人端朝十一世孫通春秋
萬潮深補色諸生善著論發揮理性語多獨造督學
春官不第下樓元谷澹忘仕進尋卒

虞

從理舊志字裕卿永嘉人任俠好談兵間關戎幕劉
扶其極至武林遠近義之居燕借黎惟敬遊西山其
唱和音跡存餘多散佚太倉曹子彥收而刻之日二

人集

王應辰

舊志字拱甫永嘉人少慧負奇氣父好積書應
名家以百授上澹教未任而卒
所著在正情集各召齋詩話

戴

賞舊志字從於永嘉人操行醇正博綜經史兄弟
慶得帥聘修通志惠州訓當陽諭士
府志所著有惠安錄玉陽錄

趙柱

舊志字師曾樂清人精書法受知世宗授序班
景賦詩四方為書之者猶
遣使資幣就其書焉

洪

孝先舊志字從周永嘉人以詩畫名重都下張嶠味
味開府於江郊既其廬所著有鴈池集
見後終不往謁時高其風

包

容舊志字家古永嘉人詞翰書畫治篆章擅名一
陵當國雅愛車之書合八預修玉牒會典時張江
促之急容怒確而遠之遂
上章相屬已鑄就矣使者

別具異致子其夏郡儀賓

何

白舊志字無咎永嘉人幼時為郡小史龍君御
之為延譽於海內遂有盛名西遊酒泉南窮湘沅歸
隱於梅嶼山中有汲古堂集行世子永年天啟辛酉

科薦薦按舊志職官無龍君御惟府教授有龍膺
印若御誓志亦載龍君御為府教授此云同

理似快哉
識侯攷

葉 耿 平陽縣志字純仁小為諸生領袖通尚書春秋尚書龔訓春秋

劉康 禮曹感時事以吉永嘉人萬歷庚戌進士任南司馬之議續康節之祀于特政多所匡裨出督山右學政

歷兩廣憲息食不離平生手不釋卷自經史百家以及柳官雜乘咸具錄

秦 激 瑞安縣志號慎齋穎悟絕人好古博學凡詩辭所委重後復專館獨撰兩卷才學識三長人莫能及

遺文散佚心中一亦見一斑由貢授湯溪訓導嗣任秦府教授卒

戴宗璠 舊志宗璠字瑞喬永嘉人弟宗獻字瑞洲俱壇文名宗璠以貢授學博為

歷間與修温州府志宗獻亦以貢任錢塘學諭尤精詞翰著名吳中時人稱為二戴

姜 準 舊志字平仲永嘉人博綜羣籍尤悉甌中典故著書二十七種時稱長峰先生同時有梅應期

字昌侯為盤石衛勳職讓爵與弟拒戶著書六十餘種郡守聞其名迎之不得乃托以朝間道一章欲而授教益屬其弟延之登舟遂就舟中草數千言以答鼓枻而歸終莫覲其面守益加禮敬

林應龍 舊志字翔之永嘉人精篆隸擅文學以不能泐子海基又得於世

國朝

梅調元 舊志字贊臣永嘉人淹貫經史工辭翰以貢授雲和教諭所著有霽月軒詩集行世與林占春

李元發 王爾椒林

林占春 舊志字梅生永嘉人少孤嗜學博洽淵通以拔貢隱居教授著有與志合璧月令合纂雪庵詩

温州府志 卷二十一 人物 文苑 五

集詩餘
行世

趙紹鼎 舊志字雲汾永嘉人博極羣書意氣豪邁以貢入京師偕友人宦遊南北所歷山川風物皆有

尤闕瞻
撰述詩文

王祚昌 瑞安縣志字元翼博洽淹貫善古文辭尤長於詩膺順治間歲貢絕意仕進閉戶著述有周易

敝書四書唯餘行世只履昌弟會昌俱擅文名

林兆斗 事實冊字天杓永嘉人性穎慧好古其制義及古文詞無不淹博精貫著作甚富崑山徐健菴序其詩謂不在大歷下兼工書翰雅有三絕之稱時

邑文廟祀兆斗前葺夜宿學謀家夢一峩冠博帶者驚起燭之臥榻間一石乃朱文公像碑也因倡義

創祠祀之康熙丙寅選貢入都王宗伯揆何給諫全

閻以西曹記室薦斗辭不就引疾而歸杜門讀書吟咏自適卒年九十三世號九山先生所著有南等初

集續集
行世

翁應春 事實冊字克生永嘉人宋詩人靈舒之後博學能文尤長於詩詞以歲貢終著出冷笥諸體咸

蕭為劫火煨燼僅遺益齋存稿與靈舒西巖集彙刻一編王思任為之叙

李象坤 事實冊字寧侯樂清人歲貢明中丞光春次子好古嗜學雖貴介而恂恂有古儒士風工詩歌

善文詞著有
刺菴集行世

朱鴻瞻 事實冊字默齋瑞安人以明經授宣平學司訓精研性理學有心得尤熟於史所論說皆古今

治要詩格亦高古著有學庸講文四書字解太極圖說通書淺說及竹園文集十卷弟鴻增與邑人林青

雲同受業於瞻增登康熙癸酉經魁雲韻甲子鄉薦俱為一時名士

徐凝 事實冊字發別號承子永嘉人廩生性孝友高邁不隨時俗隱居大羅山中刻志讀書生平

多著作以家貧乏嗣散佚不可勝紀所存者葦得一百五十篇名泉村集雄博研鍊體極蒼老

楊森秀 事實冊字清令樂清人幼孤而貧慧悟不羣永邑林兆斗深器之妻以女婚七日即避居山寺

刻志勤學為文傲先輩不屑屑于時好康熙乙酉舉于鄉壬辰登進士第授內閣中書以疾歸授徒講學徐郡丞益哲俾其子鼎師

呂宏誥 平陽縣志字克俊歲貢幼穎悟過人試輒冠軍事之所著有芝峯筆記

朱霖 事實冊字早玉瑞安人性嚴毅博洽能詩教授餘手不釋卷所著有葛溪文集葛溪詩集

鄭如夔 事實冊字樂臣原籍樂清徙永嘉與弟如稷為選貢授天台教諭課士有方時齊少宗伯次風為諸生如夔深相器重決其遠到陞嚴州教授課士一如天台如夔講說經書口如懸河評隲文字手不停披在任數載以年老乞休歸卒所著有怡堂藏稿西園文集學者稱怡堂先生

谷誠 事實冊字次有永嘉人學識高卓其制藝自成一家言督學額光敷有國士無雙之目兩浙名

士俱自謂不及也著述甚多未刻以歲貢老死人皆嘆息

林元桂 事實冊字丹五永嘉人少從史尊朱游學問醇情詩酒所歷名山勝地率多倡咏弟元補甲午舉入南豐縣令

洪勛 事實冊字麟士永嘉人博學善文詞雄深刻露曰此意維復起也與谷誠並駕一時康熙乙未登會魁任會同令不數月解組歸讀書自若寒素不異牛

黃雲岫 平陽縣志字逸青由邑庠入監沉潛力學恬淡其門者俱有文名

薛英 事實冊字雪涵樂清人本姓侯少孤聰穎勤學工詩古文詞書畫一宗董文敏康熙甲午領鄉薦在蕭山教諭新文廟崇聖祠教育有方多士懷之所著有青曉園雪堂詩文集

客家構一樓寒暑其上晨夕苦吟所著有靜觀樓詩集

温州府志

卷二十一

人物

文苑

方技

王之揮

事實冊字君飛秦順人博極羣書善屬文督學院山長捐俸資膏人所著

徐炯文

事實冊字翔雲樂清人歲貢性孝友穎悟好學著易書詩考經經義春秋韻語探討理窟涵演貫通周太史

蔡宏勳

事實冊字銘士永嘉人善詩兼工書畫擅名一時以諸生老所著有雪齋集

隱逸

晉

張文君

舊志名鷹字子鴈永嘉人有高操隱居樂清丹霞山修煉嘗乘白鹿吹玉簫遊諸峰郡守王羲之慕其名往訪焉鷹道入山之苦竹中羲之不獲見而去其地嘗有白鶴飛翔故號白鶴山

唐

劉 川

舊志永嘉人隱居大羅山人稱其里曰廉讓里秀才洋君子山

五代

蔣 湛

舊通志永嘉人有高操刺史季廣琛建牙持牒詣其家徵之不就至今名其鄉曰建牙

嚴 永

舊志永嘉人初仕南唐歷顯官一旦避地歸藏越王物色得之永不得已于穴間取衣冠以行已復遠遊不知所之士人名其處曰嚴公巖

宋

鄭泰臣 舊志永嘉人遊京師見知於杜祈公范文正公欵待甚厚一日思親遂辭歸今永寧門外湖中

蓮花莊世傳鄭先生故居

周侃 舊志永嘉人行誼表著真宗召之不起郡人名其巷曰招賢坊終護國山中

朱聳 舊志字合甫永嘉人隱于江北合山穴巖以居作合山遊數千言號歛子有隱清堂集郡守

周延雋數問侃不受

方巽 舊志字聖時永嘉人父端以文行為歐陽公器重巽生未期而孤力學篤行敝衣糲食處之

裕如目號迂愚翁大觀初詔舉行誼郡以巽應選固辭不就

林幹 舊通志字國材崇寧初士皆以舍法論秀登名幹獨不事舉業閉門著書居木榴山因號木榴

子著淵通四十八篇覃思十三篇邑令鮑輝遺幹書謂讀覃思知古大聖人治心養性盡於此矣淵通一

書理義精微非晚學能窺涯涘一日見幹草衣木質進退踈野始知為道世士益尊事之

徐必友 舊通志字仁卿鐸孫儒雅博洽政和間屢薦不起隱柏洋山下作善養亭嘯咏終身自號逸叟

鄭汝諧 舊志字熙績平陽人操行純固言動必軌於正博學強記老不釋卷經史百家器數刑名之書

無不覽過目輒成誦時號武庫紹興間入太學會東朝稱壽覃恩封其母乃曰吾母為命婦吾何求遂歸

隱後當推選卒不就

周彥通 舊志永嘉人豫長子嘗恩補避匿不出父歿後家徒四壁怡然自得居常蔬食一介無所苟取

結廬謝池不與俗接鄉閭傾慕推為隱君子焉

許景亮 舊志字少明瑞安人景衡兄身長八尺脣日踈爽望之偉然兒時日誦數千言弱冠遊太學文

辭秀出三試禮部不售為治統二十篇上之又報浩然歎曰君臣之義不可廢也遇不遇命也遂退隱

郡邑長爭禮聘不能致

林崧孫

舊志字喬年瑞安人介夫孫幼孤力學通詩易尚書為文清濶而善通實事與永嘉陳鵬飛友善及鵬飛謫死遂絕意仕進自號兌光居士日與沈東美韓汝翼修其祖故事保墳墓厚風俗紹興之季後進多尚宦達至高尚

鄭士華

舊志瑞安人好學尚義勤必由禮築書塾招名儒以教子孫壽一百十歲咸淳戊辰東朝慶壽優禮者年郡應詔以聞特賜廸功郎致仕郡守鮑成祖于其里建南山坊以表之

薛高

舊志字寧仲永嘉人任連城簿棄官而隱讀書陳謙贈詩有萬卷編抄高似屋一門師友重如山之句從孫岫登寶祐第調長沙簿一旦掛冠去以詩酒自娛終其身

葉士寧

葉水心集字宗儒樂清東鄉人負氣落落不自降屈凡賤糶薄責休病哀死昏夜救村落之急一遵父良臣所行而稍推廣之門臨清溪傍接高阜亭院深蕪竟日寂寂惟聞棋聲出空虛山邀谷嬉意

朱元昊

舊志字日華黼從子嘉定武進士棄官不仕入南鴈山嘗日貫三才之道者莫大於易精研三十年沛然有得乃著三易備遺十卷行於世嘗於其鄉築堰備水鄉人德之名朱公堰

宋希孟

舊志字鄒卿永嘉人儀容端飭姓名不懸符牒足趾不履官府安於畝畝人鮮知者葉水心有

何溥

舊志字商霖永嘉人屬詩知名釜爨常空而意趣悠然漠不為累葉適常稱其凍餒自守之樂死之日殯具無資其友翁忱率素所往

錢朝彥

舊志字用明初忠懿王納土於宋後裔散之四方至樂清白石家焉為人謙和少從孝廉錢堯卿學周官業成而隱每出未嘗乘車日吾不仕不可坐人上遇樵夫野叟咸與均禮鄉人莫不愛敬之晚好道術自號冲虛居士善與人交所厚章少房死過其墓必爵酒酌之作詩不求工而有塵外之趣王忠

到不擇每樵歌夜動權謳早發水邊林表往往觀墜杯遺屐焉

銘序

文嘗稱其不羨不矜有冲虚集二十卷歿後以子宏貴贈承事郎

薛魁祥

舊志字壯行平陽人有文行登咸淳進士授淳安尉宋革命遂棄官杜門著書辟連江宰不就

陳

顧近仁

舊志字力行才器備邁亦以革命不仕學者尊之日江南先生有詩萬餘首名小慚集

鍾靈

字少黃中 舊志俱樂清人靈性端謹繩趨尺步周旋古禮兩相敬重為金石交人目之日鍾黃二先生居鄉遇歲旱前後論决獄遇歉又論貴穀累數千言邑令悉遵行之李令峻祈雨兩月不應乃屈二先生各在一潭請水固未及境大雨如注人稱精誠所格

元

潘養頤

舊志字正卿永嘉人自束髮即好讀書經史百家語無不得其要領嘗曰科舉法行理學不明

將何以深思實踐而盡修齊治平之道哉識者以為格言隱居求志視聳和淡如遠近咸敬慕之詩文典實詳贍有集若干卷

鄭昂

舊志字處抑平陽人不諧於俗隱居讀書至正癸巳冬私卒陳安國據城以禮訪之昂緩拒孝

陳允文

舊志瑞安人性耿介不樂仕進每慕徐孺子陶靖節為人乃盡取陶詩和之與人交無町畦望之知為佳士嗜酒里中豪右有不能屈田夫野老招之時樂赴焉嘗醉坐樟松橋臨流歌嘯飄然物外遂於醫學貧者仍施之年八十終

吳子美

舊志字世英泰順庫村人博通古今授徒講談理學尤善吟咏所著有怡情集多出於性情之正其咏史諸作卓有監戒莆田林建邦為之贊曰志不慕顯而為塾師學不令人古人是思詩不苟吟監戒所資身不徒韞鴻羽之儀

孔 院 舊通志字子充平陽人至正壬午鄉貢授宗文書院山長秩滿隱居養親有經略使至延見上

政略五篇言天下利害經略嘉納之授浙閩照磨使輔周嗣德守禦元亡不復仕有詩云故居燒後拾殘編留得陶詩一兩篇彭澤豈堪猶作令義熙何忍再書年按縣志選舉作丁亥鄉薦

金 建 通志字長民瑞安人隱居不仕以春秋教授鄉里至正間方國珍海艘犯境獻策築城備禦答

納失里從其言郡賴以安省府交辟徵為秘書管勾不赴優游山里自號林居子國珍據郡以禮延致終

史文直 舊志字子靜瑞安人特身恭謹譽動縉紳至正間薦於朝補浙東憲使以非其志去尋授婺學

錄改包山長陞本學教授見時事日紊遂拂衣歸隱日徜徉山水間以酒詩自娛焉

季復初 瑞安縣志號月泉祖儼登宋淳熙進士任龍游令因家焉四傳至月泉以道學鳴世避元兵擾攘遷溫之瑞安鳴珂里置別墅子篋管山中以自晦其地多種竹故名著有月泉詩派孫德基有篋管書

舍記

明

朱希晦 舊志樂清人襟度夷曠博通羣籍元末民間所

公寬諭以理解去洪武初以賢才召至京師授朝列大夫不拜歸與趙新鮑原宏相唱和稱鴈山三老別

號雲松有集

虞原璩 名山藏字叔圉瑞安人博涉經史永樂中以楷

書薦與修大典竣事將授官以母老辭歸温州守何文淵時乘小舟詣之相與辨難經史商榷時務各極歡去一夕談久不覺夜半村落無所覓酒文淵日醺可代也璩遂出新醞侑以蔬韭對酌劇論時人謂之醋交舊志璩居雙橋里辭官後益修學砥行所

著有環庵集

季德基 舊志字武抑瑞安人能詩文明初以善書薦毋老乞歸所著有竹所集名山藏與虞原璩同時

郡守何文淵敬禮之每造其廬粟飯魚羹未嘗不飽嘗語人曰吾守温州得瑞安二隱君子焉為季先生德基虞先生原璩其見重如此

倪寅舊志字子賓瑞安人淹貫經籍飭躬勵行洪武初以明經薦於朝將試引疾歸鄉里教授子弟

以吟咏樂餘生不趨勢利自號淡庵所著有觀光集

王湖舊志字崇泗永嘉人少聰敏博貫經史工詩文性恬淡端恪不慕榮進一室蕭然晏如也張少

師素重其人及入相屢欲徵辟之以母老力辭居鄉聚徒講業一時名士多出其門郡守李廷觀延為鄉飲賓再請辭不赴敦行嗜學耆耄不衰所著有樗散稿筆記

朱邦采舊志字民貞號樂山永嘉人自少聰穎有聲序序間張少師異其才以女妻之奉例貢入太學

世廟時以博雅詞翰聞徵就鴻臚丞侍直經筵值少師柄國引嫌不仕士類推重焉

謝敬撰舊志字邦修永嘉人少工詩文徜徉鶴陽山中絕意進取朱蕩南慕其人嘗與酣唱值倭寇突

至生平最愛一琴攜之而去此外絕無繫戀其高致大率類此

劉康社舊志字幼安永嘉人工古文辭詩歌與何自邵建章頤頤詞壇壯歲棄諸生薄遊吳楚性豪岸

諸時貴戚折節下之晚從滇黔歸築南軒自娛時花盈砌引酒獨酌以此終其身遺稿悉散佚存者可二

首

戴邦翼舊志字伯翰永嘉人少負氣與同學林夢祥均棄諸生茹素佞佛流覽菴苑以詞翰名於京邸

晚築小樓稽山下吐納江雲煙樹扁曰晨香自號雨花居士

王欽豫舊志永嘉人敦厚恬淡應貢入成均退避不出築四止齋嘯咏其中時論高之所著有翼正編

錄經德

陳應聘舊志字汝尹永嘉人具至性事二親以孝聞弱冠名重巖序負才不遇遂遨遊湖海所至名山

大川必有記詠晚年閉戶著書有萃山集中寰集傳於世生平行誼醇飭有古人風壽八十屢舉介賓不

赴其先世由明經起家以齒德舉大賓者
七葉蟬聯郡守陳公相表其門曰世達尊

王應鍾

舊志字仲律永嘉人嘉靖甲子試秋闈不利偶
傲不善事上官萍遊京師精瑋璣玉衡元圭秘旨一
時鉅公周公瑕王伯谷沈蛟門屠赤水俱折節交之
贈以詩歸隱松臺側
子孫以縹緲世其家

周道麟

舊志字瑞生少聰明補邑庠生明季屏居白巖
山中負薪行吟絕跡城市有古隱君子風季以
疾卒

黃宗揚

舊志字士昭郡增廣生博學篤行以孝友聞世
居夏仙正舉閉戶著書屏跡公庭明亡所在山
寇蜂起相戒不犯其廬御史王元曦徵求處士府縣
交薦之旌扁曰敦俗移風所著有坦園詩集行於世
壽八十二

國朝

周天鏡

舊志字照如永嘉人少聰敏餽諸生中二十年
志向淡遠嗜乾竺之學將入成均遽投牒引退
徜徉山寺焚香煮茗作無生語自號非臺居士周茂
源韓則愈諸公深相引重值變亂避地仙巖無疾而
卒所著有
半隱齋稿

侯思炳

舊志字嗣宗樂清人性疎放詩畫書法秀出
時遊三吳歸卜築漁村以居顏曰漁村小隱劉
撫軍嘗欲禮聘幕中不答後韓令君則愈梓其
遺詩傳於世子英出繼薛氏康熙甲午領鄉薦

方技

唐

蔣

直

太平廣記永嘉人天寶十二載直云郡城內有白幕太守李江忽丁憂李欲歸江北蔣又云公至緝雲郡却回當有一緋一綠一碧人來相推按然終無事後果採訪使張愿着緋大理司在杜喬着綠判官張璘着碧來按遇赦而上

宋

葉

谷

春渚紀聞永嘉人作油煙墨絕妙與潭州胡景純相上下

毛信卿

圖繪寶鑑失其名温州人故意詩酒畫竹自給號箕山杭人得其片幅轉售于市輒爭取之自言大竹畫形小竹畫意得法於趙牧之

何生

平陽縣八丈村人雖為傭而能談五行有一士人以命叩何云有孕方可免災問弄

益州府志

益州府志 卷二十一 人物 方技

益州府志

璋耶美瓦耶答日也弄璋也弄瓦不知為何等語而去後果孿生一男一女

劉拱辰子萬歷志永嘉人逸其名徽宗政和間以方技至京師甚見寵幸封為純和處士各其里日

純和

馬宋英畫史會要温州人至錢塘遊淨慈寺寫古松于壁題云磨飛一鏡兩鏡墨掃出千年萬年樹月

明烏鵲誤飛來踏枝不着空歸去丁大全丞相賞其詩畫急命索之人忌其能悶不令出卒不遇此成詩

識作墨梅竹更妙按宋英縣分無考

釋仁舊通志永嘉人善畫一夕夢見龍四百條自是益臻神妙每醉揮墨汁醒後乃補之人物花鳥

形狀極肖兩浙名賢錄嘗醉永嘉市顧粉壁新巧取孤盤濡墨洒其上來日少增修為狂根枯卉極輪困

之勢人康其能

元

劉資深兩浙名賢錄永嘉人世傳醫學元初郡大疫郡守肩輿迎之投劑皆愈與戴復庵烟齊名

王振鵬畫法年紀字鵬梅永嘉人工山水畫史會要官至清運千戶界畫極工緻仁宗眷愛之賜號孤

雲處士道園學古錄振鵬之學妙在界畫運筆和墨毫分縷祈左右高下俯仰曲折方員平直曲盡其體

而神氣飛動不為法拘嘗為大明官圖以獻世稱神品兩浙名賢錄近世所傳春明奪標圖極精與清明

上河圖同價嘗奉詔作十妃冊藏之內府楊文正公忽於燕市得之以為一段奇事什襲而題其後子孫

世寶其為鉅公所重如此

陳時敏兩浙名賢錄瑞安人號復心有智慧通經史嘗玩後天圖及璿璣玉衡之說家設一石盆刻周

天度于上自構巧法占之仍於高山平衍處鑿竹為圭冬夏測景夜則仰觀星辰次舍雖遲留伏逆之難

齊者推算皆晰時司天歷法頒行多不驗聞漸間盡用其歷稱為溫歷至正壬辰正月朔日食榜示司天

臺初食刻數時敏辨其差訛果如其言後徵不起薦其友張洙應命洙以其法入臺局正其舛誤臺歷遂

溫州府志

卷二十一

人物

方技

七

得其宜

陳相心 楊維楨拆字說贈陳相心永嘉人以拆字名於公卿間推原禍福考索成敗無不驗

陳宗山 兩浙名賢錄平陽人究心歷數遍遊江湖未得其要及歸欲受業於陳時敏適時敏卒得遺書

研精覃思得不傳之妙于文字間時敏之徒所推歷多有舛訛宗山校正之十數年言歷者皆推宗山舊

志子子盛亦以通知歷數學授歷官

夏迪 書畫譜字簡伯温州人工畫山水竹石按迪縣分無考

明

鄭希誠 舊通志瑞安人年十八入山遇異人與語授以果老五星一帙為別自此意見旋發舉五星推

之輒驗求推者填門其法問人生辰即書所生之七政四餘及干支化曜於盤上倒懸之仰觀至旬月人之壽夭禍福窮通歷歷言之鎔鍊不爽嘗與友對飲談及生命鄭曰明日我與汝各有官刑汝更倍之其

友素信鄭乃拉避寶香山寺鄭曰不可避也第為之至期果有縣尉詣寺覓僧不至索得二人怒以為僧侶各杖之友私念奇驗顧鄭而笑尉怒倍杖之其占應率類此卒後書不傳今所撰占詞七十二張行世永樂中汪庭訓效其術亦多取驗

郭純 東里集永嘉人初名文通精繪事太宗賜名純擢管繕所丞洪熙初陞閣門使承東日記長陵

於書最愛永嘉郭文通有言夏畦馬遠者輒斥之曰是殘山剩水宋偏安之物也何取焉東海集文通充內供奉宣廟嘗面促之畫不即執筆以死休之對曰昔書樂畫寧死不敢草草上為霽威

金子性 萬歷志永嘉人其先世嘗遇異人授以內消丸一方永樂六年取就內府藥院中制丸以進授

太醫院未久賜鈔歸田養老

虞君平 舊通志其先永嘉人住太醫院永樂初樂清人疫君平藥之悉愈邑人德之遂留居焉子孫世

其家

翁應祥 舊志樂清西鄉人業儒知醫精於脉理篤信古

方書所治多驗性介甚人或有所遺輒辭紹紳

陳謙壽 舊志號少南永嘉人性豪宕介潔數遊燕趙三

奕稱其取重如此為詩氣俊旨厚如其為人孫宗伯

鑛嘗聯鉅公十八人與結詩奕社著有奕書則易及

鄒寅 舊志字公亮永嘉人能詩善奕復精軒岐家言

詩債賣藥差能辨酒錢即其實錄云易白樓中水謫

包厥初 舊志字幼白永嘉人性聰慧從國手陳少南遊

始一見稱賞為之延譽何香山蔣入公黃東崖三相
國皆引為布衣交復遊兩粵從楚歸吳所至爭相延
致過嘉禾倒橐解故人之難人益高其
義詩文盈篋歿後韓秋巖為之立傳

張鳴鳳 舊志字仲喈永嘉人少隨父謁選之京旅邸中

遇一異人與語奇之授以養生導氣之術遂盡

得其傳臨別出袖中禁方與之曰習此可以長年可

周躔 舊志清縣志為人沈靜工奕永嘉小鮑技絕天下

獨稱其咄咄逼人按小鮑事蹟未詳俟再考

虞悅 舊志永嘉人字君大工書真草篆隸無一不臻

遊于甌者無不禮重焉至今甌人善書者

陳叔起 舊志瑞安人善丹青亭臺山水花鳥神妙逼真

必以為得虞家筆法凡岱亦以善書名

林希遜 永嘉縣志號華靈工書字倣二王筆法年踰入

好吟咏更善集唐騷人
得其片楮於為拱壁

翁朝縉

永嘉縣志精岐黃業於金匱靈樞潔古海藏諸書探微抉奧而以意上下之所存活不可億計

在厚嗜義殖德於里屢舉蟠賓同

谷宗綱

舊志永嘉人字以張精青烏家言以及天文識緯諸學考驗精晰耻以術鳴託情詩酒終身守

縫掖不棄有詩文若干卷弟宗伊字以任

孫爵

王至健 舊志爵字文鑾健字昭行俱永嘉人善丹青花鳥天啟間以畫名于時

温州府志卷之二十一終

